



1 5
1301
5



門 15
號 1301
卷 5

唐文拾遺卷之八

榮祿大夫三品頂戴前分巡廣東高廉道加四級臣陸心源輯

武宗皇帝

事蹟詳全唐文七十六

置降神聖節勅

元元皇帝降誕日近覽天寶二年勅我聖祖澹然常在為道之宗既殊有盡之期須展事生之禮今太清宮薦告皆用朝謁之儀即降誕昌辰理難停廢宜改為降神聖節休假百官庶表貽謀之慶以申嚴敬之

誠唐會要
五十

昭和十年
二月十四日
購求

金雲卿授淄州長史勅

歸國新羅官前入新羅宣慰副使前充兗州都督府

司馬賜緋魚袋金雲卿可淄州長史唐會要九十五

依資改轉神策軍官勅

左右神策軍先有奏正員官大將請授官事起今已

後宜依資改轉如無正員官者軍司欲為奏論須有

功績者宜具事跡奏聞當為甄獎不在注擬之限唐會

要七十二

投匭進封事驗卷軸勅

應投匭進封事人等宜起今後並須將所進文書到

匭院驗卷軸入匭函不得便進如軸稍大入函不得

即依前降使宣取仍永為常式唐會要五十五

令史館再修憲宗實錄勅

憲宗實錄宜令史館再修撰進入其先撰成本不得

注破并與新撰本同進來冊府五百五十六

釋放鄭復勅

東道節度使鄭復雖稱有疾擅離本道宜釋放以後

藩鎮如更違越必舉憲章唐會要二十四

慶陽節設齋勅

今年慶陽節宜準例中書門下等並于慈恩寺設齋

行香後以素食合宴仍別賜錢三百貫文委度支給
付令京兆府量事陳設不用追集坊市歌舞

唐會要二十九

依崔于等狀勅

班序相循已久故事足可遵行昨者務廣詢謀理宜
從眾依崔于等狀便為定制

唐會要五十八

檢點摩尼寺莊宅勅

摩尼寺莊宅錢物並委功德使及御史臺京兆府差
官檢點在京外宅修功德迴紇並勒冠帶摩尼寺委
中書門下條疏奏聞

唐會要四十九

諸道授後發期勅

諸道節度使觀察使授後發期宜令不得過十日

唐會

要七十九

節將隨從將校限數勅

比來節將移改隨從將校過多非唯妨奪舊人職員
兼亦費用軍資錢物節度使移鎮軍將至隨身不得
六十八人觀察使四十人經略都護等三十人宜委監
察軍使及知留後判官具名聞奏如違此數知留後
判官量加懲罰監軍使別有處分自今以後節度使
等如罷鎮赴闕應將官吏將健隨赴上都者並隨使
停解縱有帶憲官充職亦勒停其間或有是功勳重

臣舊將校人數稍多者離鎮後新停解卽須具人數
聞奏當與量事宜處分

唐會要
七十九

內侍省擬階勅

內侍省官敘階起今以後宜依前件其會昌二年四月
準制合與擬階者便依此處分其銜內無賜緋官
先校朝散大夫以上階者宜令仍舊不得卽與改轉
以後如有特恩勅別宣與改轉者卽不在此限永爲
定規

唐會要
八十一

釐革寺家奴婢勅

山南江淮間寺家奴婢比來有勅釐革或有父母贖

男女將歸歲月旣深今卻搜檢情非違勅事恐擾人
如有此色勘檢有憑並宜不要進收自會昌元年以
後者不在此限

唐會要
八十六

神策軍官定額勅

左右神策軍定額官各十員判官三員勾覆官支計
官表奏官各一員孔目官二員驅使官二員改轉止
於中下州司馬並不擬登朝官其驅使官從使挾名
勅下各從補後計四年優放選其十員官如官滿及
用闕本軍與奏仍由中書門下依資擬注官判以下
員如老弱不任道途事須停解者終身不許更有參

選如有殿犯即據官判以下或謫官覆資或罪輕停解者亦須終身不許更有參選仍永為常式其元和二年十員定額官勅不在行用之限

唐會要七十二

毀留寺宇勅

所合留寺如舍宇精華者即留如是廢壞不堪者亦宜毀除但國忌日當州宮觀內行香不必定取寺名餘依

唐會要四十八

百寮不得于京城置廟勅

自今以後百寮不得于京城內置廟如欲于坊內置者但準古禮于所居處即不失敬親之禮

唐會要八十九

流布現錢勅

緣諸道鼓鑄佛像鐘磬等新錢已有次第須令舊錢流布絹價稍增文武百寮俸料宜起三月一日並給見錢其一半先給虛估正段對估價支給

唐會要八十九

宮市依官直勅

如聞十六宅置宮市已來稍苦於百姓成弊既久須有改移自今已後所出市一物已上宜並依三官直市不得令損刻百姓

冊府五十四

宣宗皇帝

事蹟詳全唐文七十九

禁宰牛制

爰念農耕是資牛力絕其屠宰須峻科條天下諸州
屠牛訪聞近日都不遵守自今已後切宜禁斷委所
在州府長官并錄事叅軍等嚴加捉搦如有牛主自
殺牛并盜竊殺者宜準乾元元年二月五日勅先決
六十然後準法科罪其本管官吏不鈐轄卽委所在
長吏節級重加科責庶令止絕

唐會要
四十一

授徐商崔璵節度使制

詳議順宗憲宗改題神主詔

太常博士李翱所進狀言追尊順宗憲宗諡號禮官
請別造神主及改題事請集通儒詳定者宜令都省

集議聞奏

唐會要
十八

諸使請覲先請詔旨勅

自今以後諸道節度防禦經略等使有請覲者但先
獻表章請得詔旨許允卽任進發務使行止之際臨
時不失事機

唐會要
二十四

犯贓陳首勅

今後有官典犯贓及諸色取受但是全未發覺已前能經陳首卽準律文與減等如知事發已有萌兆雖未被追捕勘問亦不許陳首之限

唐會要三十九

犯贓定估勅

應犯贓人其平贓定估等議取所犯處及所犯月上絹之價假有蒲州盜鹽雋州事發鹽已費使依令懸令平卽蒲州中估之鹽準蒲州上絹之價於雋州決斷之類縱有賣價貴賤所估不同亦依估爲定

唐會要四

選擇刺史勅

諸州刺史委中書門下切加選擇非奉公潔已素效

彰著不得妄有除授到官之後理行事稱未三周年勿使移改如有才用堪拔擢驅使及無政績須替換者不在此限

唐會要六十九

名同御名奏改勅

中外官寮有名與御名同者及文字點畫相似今後卽任奏改音韻文字點畫不同不在奏改之限

唐會要二

三十

進擬神策官額勅

左右神策軍自今已後如有奏判官以下官額十員請轉官者宜委中書門下依元和二年流例與覆奏

進擬其會昌五年七月四日釐革定額轉官自今已
後不要行

唐會要七十二

禁用金玉修佛像勅

準今年五月三日敕書節文如緣修飾佛像但用土
木足以致敬不得用金銀銅鐵及寶玉等如有犯衣
冠錄名聞奏

唐會要四十九

鄭顥尚萬壽公主勅

女人之德雅合慎修嚴奉舅姑夙夜勤事此婦人之
節也萬壽公主婦禮宜依士庶

南部新書

旌表周小兒勅

周小兒方至髫年允茲志行俾之旌表用激時風宜
依所奏仍委本道量事優卹

南部新書

以諸畜代牛享祀勅

畿甸及天下州應屠宰牛犢宜起大中五年正月一
日後三年內不得屠宰仍切加禁斷如郊廟享祀合
用牛犢者卽以諸畜代之

唐會要四十一

徒流人減年限勅

徒流人比在天德者以十年爲限旣遇鴻恩例減三
年但使循環添換邊不闕人次第放歸人無怨苦其
秦原威武諸州諸關先准格徒流人亦量與立限止

于七年如要住者亦聽上全

成維扶三州流人例勅

收復成維扶等三州建立已定條令制置一切合同其已配到流人宜准秦原威武等州流人例七年放

還上全

奏狀具小節目勅

應諸道州府及京諸司所有准勘奏狀宜令具小節目狀于大狀前同進上全

折杖折笞勅

法司斷罪每脊杖一下折法杖十下笞杖一下折笞

杖五下則吏無逾制法守常規上全

精選知制誥勅

大和中勅旨條流制誥改轉事頗為得中實重官業自後因循不守有紊典章遂使遷轉頻繁近日卻成壅滯自今以後宜舉大和四年舊敕便永遵行仍每選知制誥於尚書六行郎中官精擇有文學行實公論顯著者以備擢用不得偏取前行正郎餘準大和四年七月十三日勅處分唐會要五十五

違詔進狀書罰勅

應投匭及詣光順門進狀人其中有已曾進狀令所

司詳考無可採取放任東西未經兩三個月又潛易姓名依前進擾公廷近日頗甚自今以後宜令知匭使及閤門使如有此色不得收狀與進狀如故違與進者必重書罰上全

改轉起居郎勅

郎官御史選補皆有月限唯起居未有分明制置自

今以後特恩超擢外宜中滿二十個月為改轉唐會要五

六十

三公上時聚會勅

三公僕射不常除官每至上時須有聚會宜令度支

戶部准開貢例勾當局席取京兆府本色錢不得令

府司差派百姓

唐會要五十七

覺察水陸兩路乘券勅

如聞江淮之間多有水陸兩路近日乘券牒使命等或使頭陸路則隨從船行或使頭乘舟則隨從登陸一道券牒兩處祇供害物擾人為弊頗甚自今已後宜委諸道觀察使及出使郎官御史并所在巡院切加覺察如有此色即具名奏當議懲殿如州縣妄有祇候官吏所由節級科議無容貨唐會要六十一

緱氏縣莊賜配陵官勅

楊施禮縵氏縣莊宜賜東都內侍省新配恭陵守當
貧窮官正居住唐會要六十五

置光州司馬勅

光州比是中州停廢司馬員額今以升為上州宜令

卻置司馬唐會要六十九

判司等官不得非時奏請勅

兩判司縣丞簿尉不帶勅額職事者及不知捕賊不
得非時奏請如事故非常須行獎黜者不在此限全上

禁坊市置弓刀勅

京兆府奏條流坊市諸車坊客院不許置弓箭長刀

如先有者並勒納官百姓所納到弓箭長刀等府縣
不合收貯宜令旋納弓箭庫仍委司府切加覺察所
由等不得輒有藏隱唐會要七十二

禁受外藩賂遺勅

如聞朝臣出使外藩皆有遺賂是修敬上之心或少
或多號為人事從前如此率為常例今邊上受命撫
戎類須發使若每使許循舊例則十方竟至困窮如
事前不與繩檢又使臣難為辭拒其出使朝廷邊上
一物以上並不得受領卻到京後方鎮亦不得輒寄

附唐會要七十九

禁藩鎮改移留別勅

藩鎮改移見在倉庫錢穀既已得替便屬新人向前
曾有勅文更給留別歲月深久官吏因循苟徇軍情
不守朝典自今以後節度觀察使除替改更不在給
留別限仍勒知後判官及本曹官典切加檢舉如有
違越當重科懲全上

宋球等罰俸勅

右補闕宋球等奏冬薦狀引勅文年月不同各罰一
季俸仍委吏部長以元和七年八月二十一日及大
和七年七月二十六日勅著為定制唐會要八十二

批荅中書門下奏諫免鄭光所賜莊田稅役勅

省所奏具悉朕以鄭光元舅之尊貴欲優異令免征
稅初不細思卿等列位股肱每存匡益事無大小必
竭公忠況親戚之間人所難議苟非愛我豈進嘉言
庶事能盡如斯天下何憂不治有始有卒當共守之
省覽再三良增慰悅所奏宜體朕懷唐會要八十四

投誠吐蕃回鶻配嶺外勅

邊上諸州鎮送到投來吐蕃回鶻奴婢等今後所司
勘問了宜並配嶺外不得隸內地唐會要八十六

折毀韋讓造舍勅

韋讓侵街造舍頗越舊章宜令毀折上全

答辭達奏勅

辭達新置關城得其要害形于圖畫頗見公忠宜依所奏上全

禁諸倉耗物勅

應畿內諸縣百姓軍戶合送納諸倉及諸使兩稅送納斛斗舊例每斗函頭耗物遽除皆有數限訪聞近日諸倉所由分外邀額利索耗物致使京畿諸縣轉更凋弊農桑無利職此之由自今以後祇令依官額餘並禁斷唐會要八十八

禁京城積蓄勅

自收關隴便討黨項邊境生民皆失活業連屬艱食遂不甯居兼軍儲未得殷豐切在多方贍助今年京畿及西北邊稍似時熟即京畿人家競搬運斛斗入城收為蓄積致使邊塞粟麥依前踴貴兼省司和糴亦頗艱難其弊至深須有釐革其京西北今年夏秋斛斗一切禁斷不得令入京畿兩界唐會要九十

禁以麥造麪入城勅

近斷京兆斛斗入京如聞百姓多端以麥造麪入城貨易所賣亦多切宜所在嚴加覺察不得容許上同

原州等墾闢五年不加稅賦勅

原州威州秦州武州并六關訪聞土地肥沃水草豐美如有百姓要墾闢耕種五年內不加稅賦五年後量定戶籍便為永業其京城有犯事合流役囚徒從今後一切配十處收管

冊府五百三

三千戶以上縣置市令勅

中縣戶滿三千已上置市令一人史二人不滿三千戶以上者並不得置市官治要路須置舊來交易繁者依三千戶法置仍申省諸縣在州郭下並置市官

冊府五百四

批答白宏儒奏請以諸太子神主耐莊恪廟勅

白宏儒所奏頗為得宜令太常卿集禮官重議聞奏

唐會要十九

按宏儒原奏收入全唐文九百五十九卷

送官告使事物不得過三千匹勅

勅會昌三年六月八日已有明勅應文武官除授諸道節度觀察經略防禦使及就加官爵等起今以後與送官告旌節使人事物不得過三千匹為定制令諸道各有舊例有過三千匹者宜准勅減不得違越

唐會要七十九

京兆尹罰俸勅

景陵神門盜傷法物其賊既抵極法官吏等須有懲責宗正卿及陵令縣令已從別勅處分京兆尹邦畿不能肅清封部責帥之義其何以逃宜罰兩月俸料唐會要十七

懿宗皇帝

事蹟詳全唐文八十三

授鄭愚嶺南節度使制

按舊唐書懿宗紀事在咸通三年五月全文八十六收
今存其目文不錄

答河東軍民乞留節度使崔彥昭詔

按見舊唐書崔彥昭傳事在咸通末年全文八十收
今存其目文不錄

准杜悛奏留潁州刺史宗回勅

宗回清幹臨人自有月限方藉綏葺未議替移冊府四百八十

承佃逃亡田地勅

諸道州府百姓承佃逃亡田地如已經五年須准承前赦文便為佃主不在論理之限仍令所司准此處分冊府四百九十五

答高駢奏尋訪褚遂良苗裔勅

嶺南各委本道搜訪如有褚氏事跡相類者尋訪聞

奏當加優憫

唐會要四十五

靈武六城隸朔方勅

靈武一道別有六城屯兵不下數千豐州勝州各分

主將令並仰割隸朔方軍其軍將委本軍署置

唐會要七

三十

李羣玉進詩賜物勅

卿所進歌詩異常高雅朕已遍覽今有少錦彩器物

賜卿宜領取夏熱卿比平安好

席本唐詩

祈雪勅

節及抄冬稍憊時雪須命祈禱以濟農功宜令有司

差官分命祈祭諸神廟

冊府百四十五

僖宗皇帝

事蹟詳全唐文八十六

刪去任勿論律勅

法律有去任勿論之條頗為僥倖今後應刪吏所犯

諸罪五年之後去任勿論五年內同見任官例追收

據事定刑

唐會要三十九

殘廢徵贖勅

應殘疾篤廢犯徒流罪或是連累卽許徵贖如身犯罪不在免限其年十五已下者准律文處分

唐會要四十一

昭宗皇帝

事蹟詳全唐文九十

禁軍法戮人勅

近日用刑皆隳舊例多黷斧鑕鮮行鞭笞今後應天下州縣科斷罪人切須明于格律不得以軍法戮人

唐會要四十

收贖被虜百姓勅

天下州府及在京諸軍或因收擄百姓男女宜給內

庫銀絹委兩軍收贖歸還父母其諸州府委本道觀察使取上供錢充贖不得壓良為賤

唐會要八十六

復天下兵馬元帥勅

國史所書元帥之任並以天下為名乃自近年設為諸道宜卻復為天下兵馬元帥

唐會要七十八

停廢諸使勅

今後除留宣徽兩院小馬坊豐德庫御厨客省閣門飛龍莊宅九使外餘並停廢其內園冰井公事委河南府勾當

唐會要七十九

答錢翊論勘內臣朝服助祭御札

卿等所論至當事可從權勿以小瑕遽妨大禮唐會要卷九

哀帝

事蹟詳全唐文九十三

乾和節禁宰殺勅

乾和節文武百寮諸道進奏官准故事于寺觀設齋不得宰殺許設酒菓脯醢唐會要四十一

命婦表賀皇太后勅

冊皇太后內外命婦比合朝賀今緣命婦未有院宇兼慮或闕禮衣若准舊儀恐難集事宜令各據章表

稱賀唐會要二十六

張榮充兼修國史勅

翰林學士職方郎中兼史館修撰張榮今修撰職名稍卑不稱內廷密重宜充兼修國史唐會要六十三

廢威遠軍勅

威遠軍宜停廢其所管兵士便隸六軍其軍使張勤宜卻守本官歸班唐會要七十三

答柳璨請圖畫梁王勅

魏賞彭陽之功別創紀勛之觀齊旌泗水之績乃崇嘉德之樓式示新規爰從舊典宜令所司於皇城擇

善地別造凌烟閣圖寫賜名曰天佑施功之閣

天中記

置宣徽院使勅

只置宣徽院使以權知樞密事王殷充副使以趙殷衡充其樞密使並宣徽南院並停所司勒歸中書宣徽院人吏不得私出本院與人交通諸道勾當事人亦不得到院凡有公事並於中書論請

唐會要七十九

司勳復故事勅

司勳所掌勳及十二轉上柱國柱國上護軍上輕車都尉上騎都尉騎都尉驍騎尉飛騎尉雲騎尉武騎尉等勳有遷陟以顯勤勞近年已來止敘柱國恥轉

輕車殊不知上柱國已比二品上輕車已比四品官

既敘烈勳亦近隆今後宜復故事施行庶止僥倖之

路

唐會要八十一

市肆交易以八十五為陌勅

準向來事例每貫抽除外以八百五十文為貫每陌八十五文如聞坊市之中多以八十為陌更有除折今後委河南府指揮市肆交易並須以八十五文為陌不得更有改移

唐會要八十九

高宗武皇后

事蹟詳全唐文九十五

文武官計考進階制

文武官加階應入五品者並取出身歷十三考已上無私犯進階之時見居六品及七品已上清官者應入三品取出身二十五考已上亦無私犯進階之時見居四品者自外縱計階應入並不在進階限其奇才異行別效殊功者不拘此例

唐會要八十一

御史受登聞鼓肺石狀制

朝堂所置登聞鼓及肺石不須防守其有搥鼓石者令御史受狀為奏

唐會要六十二

公文作大字制

勅公文錢物倉庫計贓科罪傳符過所各依式及別

勅作大字餘尋常文按解牒進奏依常式

唐會要二十六

禁選人非理喧悖勅

選人抑塞者不須請不理狀任經御史臺論告不得

輒於選人喧訴有凌突選人決三十仍殿五六選

唐會

要七十五

流外出身不得任寺丞等官勅

大理寺丞九寺主簿諸監丞簿城門符寶郎通事舍人

大理寺司直評事左右衛千牛衛金吾衛左右率府

羽林衛長史太子通事舍人親王掾屬判司叅軍京

北河南太原判司赤縣簿尉御史臺主簿校書正字
詹事府主簿協律郎奉禮太祝等出身入仕既有殊
途望秩常班須從甄異其有從流外及視品官出身
者不得任前官其中書主書門下錄事尚書都事七
品官中亦為緊要一例不許頗乖勸獎其考詞有清
幹景行吏用文理者選日簡擇取歷十六考已上者
聽量擬左右金吾長史及寺監丞同上

戒戶役影護勅

天下百姓父母合外繼別籍者所析之戶等第並須
與本戶同不得降下其應入役者共計本戶丁中用



為等級不得以析生蠲免其差科各從析戶祇承勿

容遞相影護唐會要八十五

驍勇僮僕擊契丹勅

士庶家僮僕有驍勇者官酬主直並令討擊契丹唐會要

要八十六

神座勅

祠明堂園丘神座並令著狀便為常式冊府

簡擇天文歷生勅

在史局歷生天文觀生等取當色子弟充如不足任
于諸色人內簡擇唐會要四十四

節度家口傳乘勅

諸軍節度大使聽將家口八人副大使六人萬人已上鎮軍大使四人副使三人五千人已上大使三人副使二人並給傳乘

唐會要六十一

禁避諸司奏請勅

京尹府縣官多避諸司奏請避難就易殊非奉公自今以後諸使諸司諸州改官充判官支使隨身驅使等准舊敕不得放去

唐會要六十七

應留選人不論考第勅

選人應留不須要論考第若諸事相與即先書上考

如書判寥落又無善狀者雖帶上考亦宜量放

唐會要七

五十

選補桂廣等州縣闕官勅

桂廣泉建賀福韶等州縣既是好處所有闕官宜依

選例省補

同上

禁相書勅

相書及朔計家書多妄論禍福並宜禁斷

唐會要四十四

白司馬坂造大像勅

大像宜於白司馬坂造為定仍令春官尚書建安王攸寧充檢校大像使

唐會要四十九

禁法外生利勅

負債出舉不得迴利作本并法外生利仍令州縣嚴

加禁斷唐會要八十八

給入朝蕃使糧料勅

蕃國使入朝其糧料各分等第給南天竺北天竺波斯大食等國使宜給六箇月糧尸利佛誓真臘訶陵等國使給五箇月糧林邑國使給三箇月糧唐會要一百

內外官祿料上日給勅

諸內外官祿料賜會二事已上皆據上日給新授官未上所司及承勅使差充使者祿料并考第一事已

上並不在與限如別勅應差使者京官以勅出日外官以勅符到日為上日若新授外仍直諸司者上日同京官即舊人應替先別勅定名充使未迴兩應給而無正課料者以當處官料充職田據新人上日為斷不別給舊人因使應別給者經一季雖未了不在給限其制勅授官雖勅符先到未上者舊人無犯不在停限唐會要九十

犯官續前考勅

犯罪之色授以文武遠官年考未滿方便解退者宜令依舊重任續前考滿唐會要四十一

置左右補闕等官勅

記言書事每切于旁求補闕拾遺未宏于注選瞻言
共理必藉眾才寄以登賢期之進善可置左右補闕
各二員從七品左右拾遺各二人從八品上掌供奉
諷諫行列次于左右史之下仍附于令

唐會要
五十六

御史糾獲罪狀勅

御史糾獲罪狀未經聞奏不得輒便處分州官府司
亦不得承受

唐會要
六十二

盜尊像勅

盜公私尊像入大逆條盜佛殿內物同乘御物

唐會
要四

一十

省補市令錄事勅

三輔及四大都督并衝要當路及四萬戶已上州市
令并長安等六縣錄事並宜省補充

唐會要
六十七

親貌戶口形狀勅

諸戶口計年將入丁老疾應免課役及給侍者皆縣
親貌形狀以為定簿一定以後不得更貌疑有奸欺
者聽隨事貌定以付手實

唐會要
八十五

貶降官朝謝勅

貶降官並令于朝堂謝仍容三五日裝束至任日不

得別攝餘州縣官亦不得通計前後勞考唐會要四十一

賜外國物附入勅函勅

應賜外國物者宜令中書具錄賜物色目附入勅函

內唐會要五十四

禁選人無故不到勅

選人無故三試三注唱不到者不在銓試重注之例

其過門下三引不過者亦不在更注之限唐會要七十五

十考以上隔品選敘勅

監察御史左右拾遺赤縣簿尉大理評事兩畿縣丞

主簿尉三任已上及內外官經三任十考以上不改

舊品者選敘日各聽量隔品處分餘官必須依次授

任不得超越同上

選人甲歷檢叙勅

文武選人檢甲歷不獲者宜牒中書門下為檢如又

不獲若在曹有官前後相銜可明者亦聽為敘同上

使絕域依式給料勅

東至高麗國南至真臘國西至波斯吐蕃及堅昆都

督府北至契丹突厥鞞鞞並為入番以外為絕域其

使應給料各依式唐會要一百

請內外百官習老子道德經表

伏以聖緒出自元元五千之文實惟聖教望請王公
以下內外百官皆習老子道德經其明經咸令習讀
一准孝經論語所司臨時策試請施行之

唐會要
七十五

垂拱元年吳師道等及第後敕批

畧觀其策並未盡善若依令式及第者唯祗一人意
欲廣收其材通三者並許及第

唐摭
言

中宗韋皇后

后京兆萬年人嗣聖初立爲皇后與安樂公主等弒
帝臨淄王兵入元武門后爲亂兵所殺

妃主給鼓吹表

自妃主及五品已上母妻并不因夫子封者請自今

婚葬之日特給鼓吹宮官准此

唐會要
三十八

門東偏門爲銀臺門宴陽門爲德陽門天王門爲賓
天門皇墻東門爲寬仁門浚義門爲厚載門皇墻西
門爲神獸門望京門爲金鳳門宋門爲觀化門尉氏
門爲高明門鄭門爲開明門梁門爲乾象門酸棗門
爲興和門封邱門爲含曜門曹門爲建陽門昇開封
府爲□□浚儀爲赤縣尉氏封邱雍邱陳留爲畿縣
冊府百
九十六

賜諸道節度使一子官制

諸道節度使錢鏐張宗奭馬殷王審知劉隱各賜一
子六品正員官高季昌賜一子八品正員官賀德倫

賜一子九品正員官冊府二
百十

討劉知俊懸爵賞詔

削奪劉知俊在身官爵仍徵發諸軍速令進討如有
軍前將士懷忠烈以知幾賊內朋徒憤脅從而識變
便能梟夷逆監擒獲兇渠務立殊功當行厚賞活捉
得劉知俊者賞錢一萬貫文便授忠武軍節度使并
賜莊宅各一所如活捉得劉知浣者賞錢一千貫文
便與除刺史有官者超轉三階無官者特授兵部尚
書如活得劉知俊骨肉及近上都將并梟送闕廷者
賞賜有差冊府二
百十六

幸蒲陝詔

同州邊隅繼有土眾歸化暫思巡撫兼要指揮今幸蒲陝取九日進發

冊府二
百五

巡幸東京詔

東京舊邦久不巡幸宜以今月九日幸東都扈從文武官委中書門下量閑劇處分

同上

升汴州為開封府詔

古者興王之地受命之邦集大勳有異庶方沾慶澤所宜加等故豐沛著啟祚之美穰鄧有建都之榮有壯洪基且旌故里爰遵令典先示殊恩宜升汴州為

開封府建名東都其東都改為西都仍廢京兆府為

雍州刺史佑國軍節度使

冊府百
九十六

差官祭嶽瀆山川詔

初宅洛都將行郊祀應嶽瀆名山大川及諸州有靈

跡封崇神祠各宜差官吏精虔祭告

冊府百
九十三

改拜郊日期詔

秋冬之際陰雨相仍所司選日拜郊或慮臨時妨事

宜令別更擇日聞奏

同上

令魏州差官禱雨詔

糴律將遷亢陽頗甚宜令魏州差官攬龍祈禱

冊府
一百

九十

令宰臣祈雨詔

雨澤愆期祈禱未應宜令宰臣各於魏州靈祠精加祈禱

同

戒牧宰詔

其理庶民是資牧宰克勤厥職必選端良儻狗私以滅公則興災而歛怨豈遵條教實蠹風猷其所在長吏不得因緣差役分外誅求律令所施典刑具在豈容殘忌合務哀矜宜令所在長吏不得濫刑酷法須臻有道免致無辜

冊府一百九十六

闈以時開閉詔

闈是正門也宜以時開閉用達陽氣委皇城使准例檢校啟閉車駕出則闈扉

五代會要二十四

禁朝參官從人不得闈入銀臺門勅

左右銀臺門朝參諸司使庫使已下不得帶從人出入親王許一二人執條沐手簡餘悉止門外闈入者抵律闈守不禁其所犯同

冊府百九十一

放宮人勅

西宮所有前朝宮人宜放出宮任從所適

五代會要一

給行營陣歿家屬糧賜勅

去年六月後昭義行營陣歿都將吏卒死于王事追念忠赤乃錫其名氏各下本軍令給養妻帑三年內官給糧賜冊府百九十五

安存陣歿將士家屬勅

諸都如有陣歿將士仰逐都安存家屬如有弟兄兒姪便給與衣糧充役同上

改南郊日期勅

兩都宮內修造尙未畢功過此一冬方當絕手宜令於來年正月內選日申奏冊府百九十三

恤陣歿將士勅

行營將士陣歿者咸令所司給轉櫝津置歸鄉里冊府百九十五

凡補監生須愿修學勅

宜准往例自今後凡補監生須令情愿於監中修學則得給牒收補仍據所業次第逐年考試申奏如收補年深未聞藝業虛沾補牒不赴試期亦委監司具姓名申奏五代會要十六

落僻鈞進士勅

禮部所放進士僻鈞是左司侍郎薛廷珪男方持省轄固合避嫌其僻鈞宜令所司落下冊府六百四十九

止絕舉人拔解勅

近年舉人當秋薦之時不親試者號為拔解今後且

止絕

五代會要
二十二

褒裴迪勝文

謬膺委口總授三藩軍機雖罄於掘謀民政全繫于
右席節度裴判官詳明吏理前冠賓筵冰檠不渝始
終如一自此應諸州錢穀刑獄等並請指揮仍偏報
管內咸遣知委

梁末帝

事蹟詳全唐文一百二

令御史臺點檢諸道入奏官詔

諸道入奏判官宜令御史臺點檢各從正衙退後便
於中書門下公參辭謝如有違越具名衙聞奏應面
賜章服仍令閣門使取本官狀中書門下受勅後方
可結入新衙 冊府

誠李鄴詔

李鄴多因釋教誑惑羣情此後不得出入無常 冊府

太康等縣夏稅據見苗輸納勅

開封府太康襄邑雍邱三縣遭陳州賊軍奔衝其夏
稅只據見苗輸納 冊府四百
九十一

後唐莊宗

事蹟詳全唐文一百四

斷除宰殺馬牛勅

凡軍人百姓將牛驢及馬宰殺貨賣今後切要斷除如敢故違便即擒捉不問職分高低所在處斬訖奏其本軍指揮使若不切口鈐轄致軍內有人違犯別處捉獲亦當取斷

五代會要九

在京空地任人請射勅

在京應有空閑地任諸色人請射蓋造藩方侯伯內外臣寮於京邑之中無安居之所亦可請射各自修

營其空閑有主之地仍限半年本主須自修蓋如過

限不見屋宇亦許他人占射

五代會要二十六

諸陵臺令不得影占人戶勅

宗正寺嚴切指揮諸陵臺令丞不得輒令影占人戶其諸陵舊例合破巡人仍令酌量額定數目自本州縣于中等人戶內差遣交付陵所切不得自招影占人戶攪擾鄉村致妨縣司差遣色役便仰密具本官姓名申奏當行朝典仍具條約曉示諸陵臺及本州

縣訖聞奏

五代會要四

覺察藩方私買衣甲勅

如聞藩方入奏之人多於京內私買衣甲宜令總管
司密加覺察

五代會要十一

偽蜀降官次第任使勅

初平偽蜀應偽署官員等官至太師太傅及三少并
太尉司徒司空侍中中書令左右僕射已上並宜降
至六尚書臨時更約高卑爲六行次第階至開府特
進金紫者文班降至朝議大夫武班降至銀青爵如
是舊偽署將相已上與開國男三百戶餘並不許有
封爵其有功臣名號並須削去如檢校官至郎中員
外郎兼侍御史已下如是偽署節鎮率先向化及立

功效者委行營都統緣事迹獎任如刺史除停罷外
有見任政績可稱者但許稱使君不得更有檢校及
兼官其偽署班行正官四品已上依此降絀五品已
上如不曾經本朝授官又無族望可稱者材智有聞
卽許於府縣官中量材任使如無材智可錄者並宜
放歸田里若西班有稱統軍上將軍者若本是功臣
子孫及將相之後並據人材高下與諸衛小將軍率
府副率中郎將次第授任如是小將軍已下堪任使
者委西川節度使補衙前押衙已下職所有歸降官
除軍前任使下並稱前衙續據材行任使

五代會要十七

答李琪轉倉贍軍條陳勅

李琪所論召募轉倉斛斗與官行賞委租庸司下諸州府有應募者聞奏施行

冊府五百十九

水潦放免兩稅勅

自京以東幅員千里水潦為沴流離漸多宜自今月三日後避正殿減膳徹樂省費以答天譴應去年經水決處鄉村有不逮及逃移人戶差科夏秋兩稅及諸折科委逐處長吏切加檢點並與放免仍一年內不得雜差遺應在京及諸縣府停住斛斗並令減價出糶以濟公私如在遵行仰具奏聞

五代會要十一

李文矩等復舊官勅

其先減省員官除已別授官外左散騎常侍李文矩等三十人宜卻復舊官太子詹事石戩五人宜以本官致仕將作少監岑保嗣等一十四人候續勅處分

五代會要二十

奏狀斜封明題公事勅

四京併諸道州府及京百司應申奏諸色公事奏狀等先曾指揮並須實封斜角其常呈奏狀於斜封上明題所為公事或干軍機者不題直至御前開封進呈事宜指揮四京及諸道令散下管內諸州依元宣

旨處分其在京百司仍令御史臺各錄勅文曉告五代會要

四 觀察支使俸料准掌書記勅

宜令諸道節鎮依舊更置觀察支使一員其俸料春冬衣賜仍准掌書記例支遣餘依租庸院所奏五代會要

七 報齊州刺史孟璆書

爾當我急時引我七百騎投賊何過之但予推心御物不欲坐汝我不阻爾來將何面相視邪冊府

後唐明宗

事蹟詳全唐文一百六

任百姓私麴醞酒詔

應三京鄴都諸道州府鄉村人戶自今年七月後於夏秋田苗上每畝納麴錢五文足陌一任百姓自造私麴醞酒供家其錢隨夏秋徵納其京都及諸道州府縣鎮坊界內應逐年買官麴酒戶便許自造麴醞酒貨賣仍取天成二年正月至年終逐戶計算都買麴錢數內十分只納二分以充權酒錢便從今年七月後管數徵納權酒戶外其餘諸色人亦許私造酒麴供家即不得衷私賣酒如有固違便仰糾察勒依

中等酒戶納權其坊一任酤賣不在納權之限其麴
勅命到後任便踏造如賣麴酒戶中有去年曾買麴
今年因事不辨買麴住開店者則與出落如覩新勅
有情願開店投權者則不計舊戶便令依見納錢中
等戶例出權以後酒戶中有無力開店賣亦許隨處
陳狀其舊納麴錢並宜停廢應諸處麴務據見管麴
亦仰十分減八分價錢出賣不得更請官本踏造冊
五百

明法科同開元禮科勅

其明法科今後宜與開元禮科同其選數兼赴舉之

時委貢院別奏請會諸法試官依格例考試五代會要二十三

答司天臺勅

宜令司天臺密奏留中外其餘凡奏厯象雲物水旱
等事及諸州府或奏祥瑞一一並申送史館五代會要十八
量力進奉不得傷耗生靈勅

應中外臣寮及三京諸道州府如是謝賀并節序並
可據有無量力進奉不得因茲掎斂傷耗生靈至於
奇巧珍玩飛放搏噬之物並不得轉將進奉五代會要五

答史館奏事勅

史館奏陳事件皆叶規程顯驗公勤並宜依允冊府五百

五十七

答和疑奏五鳳樓前謝恩勅

五鳳樓前非舉子謝恩之所令於朝堂謝訖即赴國學試日宜令御史臺差人院司聽察放榜日至晚出院此後永為定制餘並依奏冊府六百四十二

官限准長定格勅

少尹上佐以二十五月為限其府縣官宜准長定格以三十月為限冊府六百三十三

吏部南曹曉諭選人勅

宜依吏部南曹具此分明曉告及徧下諸道州府應

是選人各令知委如守官滿日未給得解由歷子等

文書隨處不得便令辭謝如逐州府輒有邀難不便

出給罪在本判官并錄事參軍同上

馬步判官不得差攝勅

諸道馬步判官不得差攝官如交闕人須於前資正

官判司簿尉中選性行平允者補授同上

凡有除移人到交割勅

今後凡有除移准宣詔遣差外其餘須候人到彼點檢交割軍州公事了日即可發離本處仍令逐道觀察使散管內諸州准此五代會要二十四

得替防禦等使立班勅

諸道得替防禦團練等使及刺史到京朝見後並宜班行比擬如未有員闕令隨常參官逐立班

五代會要六

官告綾紙價錢並與官破勅

其自陳狀乞除官者所賜告身並係特恩雖舊例令本官自出價錢慮不迨者稍難送納兼知本司人吏以此為名接便更致邀頡於官估綾羅紙價外廣索價數力及者隨時應副闕乏者須至淹延今後應是官告除准宣官破外其過狀乞除官并追封追贈敘封進封官告及舉人冬集綾羅紙標軸錦袋等宜令

並與官破仍勒各隨色樣尺寸如法裝修疾速書寫

印署進納

冊府六百三十二

放免諸州苗畝所徵麴錢勅

酒醴所重麴蘖是先頃緣賣價太高禁條頗峻士庶因斯而抵犯刑名由是以滋彰爰行改革之文庶息繁苛之政各隨苗畝量定稅錢訪聞數年已來雖犯法者稀而傷民則甚蓋以亂離日久貧下戶多纔過昇平且勤稼畝各務耕田鑿井孰能枕麴藉糟既隨例以均攤遂抱虛而輸納減成凋弊深可憫傷况欲致豐財必除時病有利之事方切施行無名之求尤

宜廢罷但得日新之理何辭夕改之嫌應三京諸道
州府苗畝上所徵麴錢等便從今年夏並放其麴官
中自造委逐州減舊價一半於在城撲斷貨賣除在
城居人不得私造外鄉村人戶或要供家一任私造
冊府五百四

州府稗草依則例受納勅

天下州府受納稗草每束納一文足陌每一百束納
切子四莖充積草供使棘針一莖充稗場院其草并
紫蒿一束只納束其紬絹絕布綾羅每疋納錢一十
文足陌絲綿紬線疋布等每一十兩納耗半兩麻鞋

每量納錢一文足陌見錢每貫納錢七文足陌省庫
受納諸處上供錢物元條流見錢每貫納錢二文足
陌絲綿紬線子每一百兩納耗一兩其諸色疋段並
无加耗此後並須依上件則例受納

冊府四百八十八

又勅

今後諸州府所納稗草每二十束別納加耗一束充
場司耗折其每束上舊納盤纏錢一文仰官典同共
擊署一一分明上厯至納遣了絕已來公使不得輒
將出分張外破

同上

戒封贈停滯勅

卷九

七

宜令所司報在朝文武官員及諸道州府當制內有
未霑恩命者令供申文狀到者旋即施行不得停滯
冊府四百
七十五

改宏文館名勅

三館重事歷代通呼只自先朝偶更舊制因近臣之
避忌易大國之規模今屬惟新理宜仍舊其崇文館
宜改爲宏文館 冊府

放免河東等處兩稅勅

振武新州河東西北邊經契丹蹂踐處放免三年兩
稅差配 冊府

諸商稅委逐處州府撲斷勅

應三京諸道州府商稅等多不係屬州府皆是有司
差置場官朕自受命開基勵精布政將推誠而感物
每屈己以從人况於列侯尤所注意豈可山河重寄
並在藩方關市徵租獨歸省務加以所置職掌素處
幽微向闔闔以肆威與王公而抗禮蓋已往從權之
事豈將來經久之規特議改更貴除繁屑自今已後
諸商稅並委逐處州府撲斷依省司常年定額勾當
辦集冀除生事之端不失豐財之理 冊府五
百四

答雍王重美勅

重美學洞儒元官居尹正因三教之議論希千春之
渥恩特立條流以防濫進宜從

禁鐵錫錢勅

先條流三京諸道州府不得於市使錢內夾帶鐵錫
錢雖已約束仍聞公然行使自此有人于錢陌中捉
搦一文至兩文所使錢不計多少納官所犯人准條
流科罪冊府五
百一

又勅

諸道州府累降勅命不得使鐵錫錢如有違勅行使
者所使之錢不計多少並沒納入官所犯人具姓名

以聞近日依前有无良之輩所使錢內夾帶鐵錫錢
須議卽行止絕宜令諸道州府嚴切條理密差人常
于街坊察訪如有衷私鑄瀉及將銅錢銷鑄別造物
色捉獲勘究不虛並准前勅處分同上

給王起料錢勅

仙韶院樂官每月料錢數內減三百千轉給翰林侍
講太子少師王起
停四孟月旦起居表勅

三京諸道節度團練使防禦使勅使文武將吏州縣
職員皆進月旦起居表其四孟月旦並可止絕五代
會要

秦王從榮班在宰相上勅

天下兵馬大元帥秦王從榮位隆將相望重磐維委任既崇等威合異班位宜在宰相之上五代會要六

停轉對勅

今後宰臣文武百官每五日內殿起居仍舊其輪次轉對宜停若有所見許非時上表其朔望入閣待制候對一依舊規五代會要五

諸州等慶賀表本道封進勅

今後天下諸州刺史及係屬節鎮團練防禦使除應

聖節冬至端午外謝上及每月起居慶賀章表並付

本道封進其餘公事准往例節度觀察使瞻覆奏聞五代會要四

賻贈段端丈尺勅

太常禮院例凡賻匹帛言段不言端正每二丈為段四丈為正五丈為端近日三司支遣每段全支端匹此後凡支賻贈匹帛祇言合支多少段庫司臨時併蹙丈尺給付不得剩有支破五代會要八

條流寺院僧尼勅

應條流三京諸道州府縣鎮寺院僧尼事一訪聞近

日僧尼等或因援請託以便參尋既往來以爲常致
奸訛之有倖自此後如有官中齋會行香顯有告接
及大段齋供請命卽行依時赴會除此外不計齋前
齋後僧尼不得輒有相過如敢故違仰逐處坊界所
由及巡司節級畫時擒捉並准姦非例處斷其所犯
人衣物資財便充捉事人優賞如有人詰告不虛准
此酬賞一此後如有修補寺宇功德要開講求化須
至斷屠之月卽得於大寺院開啟仍許每寺只開一
坐兼不得僧於尼寺內開講尼亦不得將功德事請
僧於諸寺開講如敢故違法師兼功德主僧徒三年

尼並逐出城其坊界及諸營士女不因三場齋月開
講亦不得過僧舍如公然通同許捉獲所犯人並加
極法今後僧不因道場及齋會不得公然於俗舍安
下住止如違准上科斷一訪聞僧尼寺院多有故違
條法衷私度人此後有志願出家准舊例經官陳狀
比試所念經文則容剗削仍不因官壇不得私受戒
法如違所犯僧及本師等各徒二年配於重處色役
如是尼女及年老放杖只勒還俗若有童子出家亦
須顯有分據一訪聞近日有矯僞之徒依憑佛教誑
誘人情或傷割形骸或負擔鉗索或書經於都肆或

賣藥於街衢悉是乖訛須行斷絕此後如有此色之人並委所在街坊巡司糾察准上決配一此後應是僧尼不計高低於街衢逢見呵殿官寮並須迴避如有故意違犯者便可收送法司若在身有章服師號者便委長吏舉奏當行剝奪如無章服者仰所在擯逐出城若有房院便許別人請射一州城之內村落之中或有多慕邪宗妄稱聖教或僧尼不辨或男女混居合黨連羣夜聚明散託宣傳於法會潛縱恣於淫風若不祛除實爲弊惡此後委所在州府縣鎮及地界所由巡司節級嚴加懲刺有此色人便仰收捉

勘尋關連徒黨並決重杖處死右宜徧降勅三京諸

道州府長吏分明曉示逐處管界各令遵守

五代會要十一

州縣引對勅

中書先條奏州縣令錄正衙謝後合趨內殿謝辭者

如令錄是除授宜令給事中引對如是指授者准舊

例委三銓尚書侍郎各自引對仍須前一日閣門進

狀

五代會要十九

百官五日起居勅

今後宰臣文武百官除常朝外每五日一度入內起居其中書非時有急切公事請開延英不在此限

五代

會要

改衛軍指揮勅

勅衛軍神威雄威及魏府廣捷以下指揮宜改為左右羽林置四十指揮每十指揮立為一軍每一軍置都指揮使一人兼分為左右廂

五代會要十二

權罷宏詞諸科勅

今後吏部所應宏詞拔萃並宜權罷其貢院據見應進士九經並五科童子外諸色科名亦宜停罷

會要廿二

賜聞喜宴錢勅

新進士及第有聞喜宴今後逐年賜錢四百貫

同上

禁鑄私錢勅

先令天下州府公私鑄錢近聞以鉛錫相參缺薄小弱有違條制不可久行今後祇官鑄錢私下禁依舊

法同

批答中書門下奏勅

宜便行曉告如原舊破損銅器及碎銅即許鑄造器物如生銅器物每斤價定二百熟銅器物每斤四百如違省價買賣之人依盜鑄錢律文科斷

同上

居喪終制勅

朝臣居喪終制委御史臺具姓名申奏諸道賓從除

喪後合宣行恩命州縣官纔授新命及到任一考前
丁憂者服闋日除官

五代會要八

允劉英甫以講義代帖經勅

劉英甫請以講義便代帖經既能鼓篋而前必有撞
鐘之應宜令禮部貢院考試

五代會要二十三

夏苗人戶供手狀勅

百姓今年夏苗委人戶自通供手狀具頃畝多少五
家為保委無隱漏攢連狀本州具狀送省州縣不得
送差人檢括如人戶隱欺許令陳告真田倍令并徵

五代會要二十五



唐文拾遺卷之十

榮祿大夫三品頂戴前分巡廣東高廉道加四級臣陸心源輯

明宗二

御史等官免朝不得私行人事勅

御史臺刑部大理寺官員遇有公事推勘詳斷時宜
與免朝參兼不得私行人事若無公事即依尋常赴

朝

五代會要六

州府不得奏薦將校勅

諸道州府不得奏薦將校職員乞行恩命如顯有功
効即列奏以聞

五代會要二十四

給趙誼等十人公憑勅

吏部南曹奏前齊州臨邑縣令趙誼等十人納到歷任文書合給公憑者其公憑仰所司以綾紙脩寫取本行尚書侍郎列署已出給者候將來赴選依此重給五代會要二十一

刑部大理寺御史臺三司官每推斷案牘時特與免

朝恐滯推覆法官推覆時不得私行人事公事畢日

朝參如常五代會要十六

州縣考滿追還本司勅

應諸司職掌人吏前後選授州縣官考滿日委本處

申奏各追還司職依舊執行公事五代會要十七

朝臣奏對宣付史館勅

朝臣起居入閣奏對公事覆奏後宣付史館宜依其時政記起居注候別勅處分五代會要十八

刺史案牘須申廉使勅

刺史既為屬部安可自專案牘既成須申廉使餘依所奏五代會要十九

初除官不得侵正員勅

今後諸司初除官勒留職人吏等並於省員州縣判

司簿尉內除授免侵使見親公事正員及不支料錢

五代會要十七

廢租庸院勅

停廢租庸院名額依舊為鹽鐵戶部度支三司委宰臣一人專判仍廢租庸院大程官及放猪羊柴炭戶其括田竿尺一依僞梁制度仍委節度使通行三司不得更差使檢括州使公廨錢先被租庸管係者一切卻還州府

五代會要二十四

三銓公事封送禮部勅

三銓公事宜准近勅指揮仍祇使吏部尚書銓印並

宜付中書門下封送禮部權收管訖奏

五代會要二十二

隨府罷職官除授勅

去年相次有諸道前資掌書記已下賓從道京求官人數極多或自述行止或得替節度使論薦兼有已於郊天行事者即日朝班中無員闕安排前件官等皆隨府罷職相次到京當奏辟之時慎選盡由門館及替閑之後安排須告朝廷若不特議區分反恐久令淹滯宜令于諸道掌書記已下據有員闕處各除授一員仍自此凡是朝官及諸州府判官得替一周年後得求官擢才特勅不在此限

五代會要二十五

逃戶屋物不得毀伐勅

應諸處凡有今年為經水滂逃戶莊園屋舍桑棗一物已上並可指揮州縣散下鄉村委逐村節級鄰保人分明文簿各管見在不得輒令毀折房舍展伐樹木及散失動使什管物候本戶歸業日卻依元數責令交付訖具無欠少罪結狀申本州縣如元數內稱有事欠少許歸業戶陳狀訴論所犯節級并鄉鄰保人等並科違勅之罪仍勅備償或至來年春入務後有逃戶未歸者其桑土即許鄰保人請佃供輸租稅種後本主歸來亦准上指揮至秋收後還之

五代會要二十六

五

京城菜園許人收買勅

京城坊市人戶菜園許人收買切慮本主占佃年多以鬻蔬為業固多貧窶豈辨蓋造恐資豪猾轉傷貧民若是有力人戶及形勢職掌曹司等已有居地外於別處及連宅買菜園令人主把或典賃于人並准前勅價例如貧窮之人買得菜園自賣菜供衣食者即等第特添價值仍賣者不得多恡田土買者不得廣占田地各量事力須議修營

五代會要二十六

進士選數年滿于都堂試詩賦勅

近年文士輕視格條就試時疎於帖經登第後恥於赴選宜絕躁求之路別開獎勸之門其進士科已及第者計選數年滿日許令就中書陳狀於都堂前各試本業詩賦判文等其中才藝灼然可取者便與除官如或事業未甚精者自許准添選

五代會要二十二

武成王廟四壁陳祭物勅

武成王廟四壁英賢自此每至釋奠准郊祀錄各陳脯醢諸物以祭

五代會要三

舉人試判不得祇書未詳勅

每年訪聞及第舉人牒送吏部關試判題雖有判語

全無所見各書未詳仍或正身不至如斯乖謬須議去除此後應開送舉人委南曹官准格考試如是進士并經學及第人曾親筆硯其判語即須緝搆文章辨明治道如是無文章許直書其事不得祇書未詳如關試時正身不到又無請假字即牒貢院申奏停

落

五代會要二十二

禁斷在京市肆牙人勅

在京市肆凡是絲絹斛斗柴炭一物已上皆有牙人百姓將到物貨賣致時物騰貴百姓困窮今後宜令河南府一切禁斷如是產業人口畜乘須憑牙保此

外人不得輒置仍委兩軍巡使覺察切加捉獲如違
並當嚴斷五代會要二十六

國忌設僧道齋勅

尚書兵部郎中蕭愿奏每遇宗廟不樂之辰宰臣到
寺百官立班是日降使賜香准案禁樂斷屠宰止刑
罰者帝忌后忌之辰舊制皆有齋會蓋申追遠以表
奉先多難已來此事久廢今後每遇大忌宜設僧道
齋一百人列聖忌日齋僧道五十人忌日既不視朝
固難舉樂所奏止刑罰斷屠宰宜依兼河南府向來
送酒行香宰臣自此止絕天下州府至國忌日並令

不舉樂止刑罰斷屠宰餘且依舊五代會要四

諸州賓從奏具姓名勅

諸州侯伯所請賓從及主事元隨並令奏其名姓或

參佐道虧各令加罪五代會要二十四

後唐閔帝

事蹟詳全唐文一百十三

州縣斂民加等論勅

刺史縣令丞尉得替自今後如是見任官將已分錢
物資送得替人即勿論其或率斂吏民以受所監臨
財物論加一等如以威刑率斂以枉法論其去任受

財人減二等五代會要十九

處分賣官買官人勅

如有賣官買官人等並准長興四年三月二十七日

斷魏欽緒犯買官罪決重杖一頓處死勅處分其假

官及冒名接腳等並准律文及天成元年九月十六

日指揮五代會要十七

籍沒田宅禁請射勅

諸州府籍沒田宅並屬戶部除賜功臣外禁請射五代會要十五

會要十五

節度等使官告不得漏泄勅

節度防禦團練使刺史行軍副使等事關急切除授

官告若待畫下給卽留滯勒樞密院凡經由處不得

漏泄冊府六百三十三

如後唐末帝

事蹟詳全唐文一百十三

答太常禮院勅

祀事在質明前儀仗在日出後事不相干宜依常年

受朝五代會要五

抽借私馬勅

諸道州府縣鎮賓佐至錄事參軍都押衙教練使已

上各留馬一匹乘騎及鄉村土庶有馬者無問形勢馬不以牝牡盡皆抄借但勝衣甲並仰印記差人管押送納其小弱病患者印退字本道收管節度防禦團練等使刺史除自己馬外不得因便影占管軍都將除出軍及隨駕外見逐處屯駐者都指揮使舊有馬許留五匹小指揮使兩匹都頭一匹其餘凡五匹取兩疋十匹取五疋更多有者並依此例抽取在京文武百官主軍將校內諸司使已下隨駕職員舊有馬者任令隨意進納不得影占人私馬各下諸道准

此五代會要十二

百官充使依例輪差勅

凡關差使須示均平今後文武百官充使者宜令依例輪差中書置簿不得重叠其內降宣諭不拘此例若當使自緣有事或欲行注簿便當一依長興三年正月後已曾奉使者便著爲首已後差使次第注之五代會要二十四

舉奏判官勅

判官宜令本州刺史自選擇舉奏且初除本職未得與官或與刺史連任相隨顯有勞能許州刺史以聞量事獎擢仍不得枉有論薦其三月後九人且與施

行五代會要

晉高祖

事蹟詳全唐文一百十四

獎涇州節度王周詔

王周佐國賢臣殿邦良帥戰伐之功顯著葺綏之政
尤彰昨者殄寇常山總戎涇水安邊靜塞克施撫馭
之方察俗觀風盡去煩苛之弊備陳條件足驗公清
一方既洽於詠謠百姓頓期於蘇息王周宜賜詔獎
飾兼頒下諸道仍付所司冊府六百七十三
案此篇見明鈔本冊府元龜六百七十三卷不著

時代案王周事唐莊宗為裨校晉天福中歷貝州
涇州節度使去苛虐民皆復歸故有此詔

公私鑄錢條章詔

國家所資泉貨為重減耗漸虧于日用增加自致于
時康近代已來中原多事銷蠹則甚添鑄無聞爰降
條章俾臻富庶宜令三京鄴都諸道州府曉示無間
公私應有銅者並許鑄錢仍以天福元寶為文左環
讀之委鹽鐵司鑄樣頒下諸道令每一錢重二銖四
參十錢重一兩或慮諸色人接便將鉛鐵鑄造雜亂
銅錢仍令三京鄴都諸道州府依舊禁斷尚慮逐處

銅數不多宜令諸道應有久廢銅冶處許百姓取便開鍊永遠為主官中不取課利其有生熟銅仍許所
在市賣入官或任自鑄錢行用其餘許鑄錢外不得
輒便雜鑄銅器如有違犯者並准三年三月勅條處
分五代會要
二十七

按全文一百十四所收許百姓鑄錢詔計一百五
字與此不同今據會要參冊府元龜一百五補錄

科務耳稱冤罪勅

務耳稱冤人准大中六年十二月十五日勅若有犯
者決杖流配訴雖有理不在申明今後所陳與為勘

斷務耳之罪准律別科五代會要

答馬承翰封章勅

馬承翰所貢封章俾人知禁雖曾條貫恐未周詳宜
依餘准近勅處分仍付所司

判官參選勅

偽清泰二年三月己前諸道州府所差馬步判官有
勤績者宜令並准元勅赴吏部參選不得更經中書

陳狀五代會要

衙前大將差補都虞候勅

諸道馬步都虞候今後朝廷更不差補委逐州府于

衙前大將中選久歷事任曉會刑獄者充仍以三年為限不得於元隨職員中差補其今日已前見在任者如無罪犯宜令終其月限候將來得替仰本道於衙前收管不得赴闕

五代會要二十四

改承旨官名勅

承旨者承時君之旨非近侍重臣無以稟命是以大朝會則以宰臣承旨草詔書則以學士承旨若無區別何表等威除翰林學士承旨外殿前承旨改為殿直樞密院承旨改為承宣御史臺三司閤門客省承旨並令別定其名

同上

張昭遠班次勅

新除翰林學士張昭遠早踐綸扉久司史筆曾居憲府累陟貳卿今既擢在禁林所宜別宣班序其立位

宜次崔棣

五代會要十三

除留守降麻勅

留守之任委寄非輕凡除絲綸宜同將相今後除留

守宜降麻制

五代會要十九

常安公主出降儀勅

納采之時主人再拜使者不答雖開元禮具載其儀今宜答拜仍令鄭王重賚主其婚中外不賀

五代會要卷二

處分選舉人文解差謬勅

今後選舉人文解差謬過在發解州府官吏其選人舉人亦准格處分

五代會要二十二

任公私鑄錢勅

先許鑄錢仍每一錢重二銖四參十錢重一兩切慮逐處缺銅難依先定銖兩宜令天下無問公私應有銅處有鑄錢者一任取便酌量輕重鑄造因茲不得入鉛并鐵及缺漏不堪久遠流行仍委鹽鐵使明行曉示餘准元勅指揮仍付所司

五代會要二十七

按全文一百十六所收與此不同

奏狀須印署勅

應內外諸使諸司及諸州府凡有諸色公事須具奏聞今後不得白狀及劄子記事申覆如事關機密即准元降宣命實封斜角不題事目通下其合申中書及中書勘會公事所申狀亦須是本司及逐處官員印署不得將白狀及記事劄子兼令司局抄劄子申宜令御史臺及宣徽院三司侍衛司諸道州府准此

五代會要二十四

封贈三代不得第降勅

其內外准勅合與三代已下封贈者並以見居官品

比擬不得第降付中書門下准此及正室不在論請封敘之限應諸色官請與母妻敘封須候官階齊即得如官及所封官高並許施行五代會要十四

令鹽鐵使禁銷錢鑄器物勅

朕以歷代鑄錢濟時為寶久無監物已絕增添邇來趨利之人違法甚重銷鎔不已毀蠹日滋禁制未嚴姦弊莫止既無添而有損必耗國以困民將治豐財須行峻法宜令鹽鐵使禁止私下打造鑄瀉銅器速具條流事件聞奏冊府五百一

賜僧法城勅

勅法城卿佛國棟梁僧壇領袖今遣內官賜卿砑金

虛縷沈水香紐列環一枚至可領取清異錄

晉少帝

事蹟詳全唐文一百十八

定親王公主婚禮法物詔

少府監今後凡修制親王婚禮法物并冊文出降公

主九樹華釵箱盞等宜令不得用龍紉條帕五代會要十六

進策人定三等詔

應諸色進策人等皆抱才能方來贊獻宜加明試俾盡臧謀今後應進策中書奏覆勅下委門下省試策

三道仍定上中下三等如元進策內有施行者其所
試策或上或中者委門下省給與減選或出身優牒
合格選目其試策上者委銓司超一資注擬如試策
或上或中元進策內不曾施行者所試策下元進策
內曾有施行便仰曉示發遣不得再有後進餘准前
後勅處分五代會要十三

遇大祭祀等不得行極刑勅

四京諸道州府決大辟罪起今後宜令遇大祭祀正
冬寒食立春夏雨雪未晴已上並不得行極刑如有
已斷案可取次日及雨雪定後施行仍付所司冊府六百

三十

顯陵行事官加階減選勅

顯陵行事及祔廟等行事官並宜加兩階減兩選理
減外合格日免取文解便與注官過格者降一資爲
事勒停者許宜勒停日理本官選數仍與減兩選合
格日免取文解仍注邊遠同類官冊府六百三十四

下禮部貢院勅

禮部貢院自前考進士皆以三條燭爲限并試諸色
舉人等有懷藏書冊不令就試宜並准舊施行冊府六百
四十

鄴都諸門賜名勅

鄴都諸門宜賜名額羅城南博門爲廣運門觀音門
爲金明門橙槽門爲清景門寇氏門爲永芳門朝城
門爲景風門大城南門爲昭明門觀音門爲廣義門
北河門爲靖安門魏縣門爲膺福門寇氏門爲迎春
門朝城門爲興仁門上斗門爲延清門下斗門爲適
遠門

五代會
要十九

招充西京太常寺樂工勅

太常寺見管西京雅樂節級樂工共四十人外更添
六十人內三十八人宜抽教坊貼部樂官兼充餘二

十二人宜令本寺招召充填仍令三司定支春冬衣
糧月報聞奏其舊管四十人亦量添請

五代會
要七

太廟置庫勅

天地宗廟社稷及諸祠事等訪問自前所司承備多
不精潔宜令三司預支一年諸司合請祠祭禮料物
色等於太廟置庫仍差宗正丞石載仁專主掌監察
御史宋彥昇監庫兼使供奉官陳審璘往洛京於太
廟內穩便處修葺庫屋五間俟畢日催促所支物色
監送入庫交付訖取收領文狀歸闕每有祠祭諸司
合請禮料至時委監庫御史宋彥昇宗正丞石載仁

旋旋給付其大祠中祠兼令監祭使檢點饌造小祠
卽令行事官檢點如致慢易本司當准格科罪其祭
器未有者修製已有者更仰雅飾五代會要四

差攝官滿五年授官勅

有司差攝官員今日已前任攝滿五年者宜追驗本
司差攝文牒及親公事文書并鄉貫三代點檢者與
授初官起今後所司如更有闕須差攝官者可具所
攝鄉貫三代奏聞五代會要十七

御史不得以小事請假勅

今後諸御史宜令除准式請假外不得以私故小事

請假離京并除奉制命差勘公事及按察外不得以

瑣細事差使出外同上

令佐招攜戶口加階勅

諸道州府令佐在任招攜戶口比初到任交領數目
外如出得百戶以上量添得租稅者縣令加一階主
簿減一選出二百戶以上及添得租稅者縣令加兩
階主簿減兩選出三百戶以上及添得租稅者縣令
加兩階減二選別與轉官主簿加兩階減一選出四
百戶至五百戶以及添得租稅者縣令加朝散大夫
階趨轉官資罷任後許非時參選仍錄名送中書如

已授朝散大夫及已出選門者卽別議獎勵主簿加
三級其出剩不及一百戶者據戶口及添租稅數縣
令加一階參選日超一資注官主簿加一階如是一
鄉收到三十戶或五十戶以上一村收到三戶五戶
以上及本鄉村節級等與免本戶二年諸雜差使科
配如是一鄉收到一百戶以上一村收到十戶以上
本鄉村節級等與免本戶三年諸雜差徭如願且充
節級所由未得差替如願歸農便與免放仍仰本縣
准勅分明給與憑據自災沴已來戶口流散如歸業
者切在撫安其浮寄人戶有桑土者仍收爲正戶其

歸業戶天福五年已前逃移者放一年秋夏一半租
稅并放一年雜差遣其勑收戶如先有租稅卽依元
額輸納如元無租稅卽據所營地畝且收半稅并放
二年差徭如鄉村妄勑戶及坐家破逃者許人糾告
勘責不虛其本府與鄉村所由各決脊杖八十刺面
配本處牢城執役縣司本典知情並同罪告事人放
三年租稅差徭仍將放免數卻配蓋藏勑戶及坐家
破逃戶本鄉所由均分輸納今後天下州縣所收新
添戶口租稅限十二月二十日以前申送戶部點檢
如違限本處判官錄事參軍罰五十直仍削一級孔

目官勾押人本案人吏杖七十降一資五代會要二十

漢高祖

事蹟詳全唐文一百二十

省躬罷役詔

卑宮菲食前代之令猷革烏緋衣哲后之明德至于損上益下惜力愛人冀息煩苛漸期富庶所有乘輿服御後宮費用太官常膳一切減損在京及內諸司并天下州府除應奉軍期急切外其餘不急之務非理營造並皆停罷免致勞役冊府五十六

禁斷契丹裝服勅

近年中華兆人浮薄不依漢禮卻慕胡風果致狂戎來侵諸夏應有契丹樣鞍轡器械服裝等並令逐處

禁斷冊府一百六十

文武官父母加恩敘封勅

應內外文武官員有父母見在合得加恩敘封者不在官階品齊但見居官品合與父加恩母敘封進封者便與施行餘准前勅

五代會要十四

停張燦見職勅

三司邦計國法攸依張燦體事未明執理乖當宜停見職犯皮者貸命放之

洛陽舊聞記

漢隱帝

事蹟詳全唐文一百二十一

州縣替任敘資規程勅

審官之要必擇才能與理同歸迭處中外約以選限

固有條格邇來或自朝行或從賓職願爲州縣自就便宜當求事之時冀得而不論卑位及旣替之後敘資而卻理前官須立規程以絕僥倖

冊府六百三十四

父在母封議加太字勅

應內外臣寮如父准恩勅合承子蔭加恩者父未曾有官卽量其致仕官見任亦自該恩赦又難用子蔭如已去任願授致仕官者亦可施行卽不得就加恩命其父在母承子蔭敘封追封合加太字與不加雖有艾穎尹偃近例恐是一時特恩別無勅例宜令尙書省集議奏聞承爲常式

五代會要十四

俸戶不得當直勅

諸道州府令錄判官主簿官令等第支與俸戶逐戶每月納錢五百與除二稅外免放諸襍差遣不得更種職田所定俸戶於中等無色役人戶內置不得差令當直及赴衙參如有闕額及不逮明申州府差填不得衷私替換若是令錄判司主簿除本分人數外剩占俸戶及令當直手力更納料錢並許百姓陳告其陳告人與免戶下諸襍差徭所犯人追毀告身更加力役如令佐錄事參軍內有員闕州府差攝亦依例支與俸錢差攝曹官不得一例供破定例如後三

千戶已上縣令逐月一十二千主簿六千二千戶已上至三千戶已下縣令九千主簿五千一千戶已下縣令六千主簿四千錄事參軍判司依本部內戶口最多縣分例支破其錄事參軍依縣令例判司依主

簿例

五代會要二十八

批答竇文靖奏朝官便衣徒步勅

宜令御史臺常加察訪具以名聞當行譴逐隱而不

言與之同罪

五代會要十七

諸州公事先申廉使勅

諸防禦團練州申奏公事除朝廷以軍期應副則不

及聞於廉使如尋常公事不得自專須先申本官斟酌以聞今後州府不得違越

五代會要二十四

偽命文書追毀換給勅

應是偽命文書不在施行之限者今有緣晉朝受官契丹年給解由厯子若執格勅又慮有廢身名凡州縣幕府曾受契丹偽命者追毀文書祇取唐晉朝出身文書參選本選外仍殿五選降三資注擬凡唐晉朝諸科及第人於契丹年號內出給文書許追毀換給仍自新給年月日理選

五代會要十七

諸道團集差散從官勅

諸道州府宜差散從官大府五百人下州二百人宜量戶口多少差團集本處管係立節級點檢教習警

備州城

五代會要二十四

茂學懿久而策名長才廣度以成器始歸霸府嘗効
折衝洎翊造邦尋參宥密摛禁林之詞翰伸祕殿之
論思履順持謙奉公處正紫宸三接在注意以方深
黃閣九遷諒登庸而允協俾宣相業共贊皇猷食邑
贈封功臣改號仍進階資之貴俱爲輔弼之光爾其
師克儉於焚機繼在公於補袞詭辭而出奉義而行
將聯賡載之歌長保虔恭之位佩服茲訓式昭德音
可金紫光祿大夫中書侍郎平章事

冊府七十四

牛皮人犯重處勅

諸道州府牛皮今後犯一張本犯人徒三年刺配重

處色役本管節級所由杖九十兩張以上本人處死

本管節級所由徒二年半刺配重處色役告事人賞

錢五十千其人戶有牛死者其本戶報告本地方所

由節級鄰保人仰當日內同檢驗過令本主畫時剝

皮及申報本主官吏限十日內須送納畢其筋骨不

得隱落

五代會要二十五

定銅法勅

銅法今後官中更不禁斷一任興販所有一色卽不
得瀉破爲銅器賣買如有犯者有人糾告捉獲所犯
人不計多少斤兩並處死其地分所由節級決脊杖

十七放鄰保人決鬻杖十七放其告事者給與賞錢
一百貫文

冊府五
百一

高紹基請捕錄李懷義答勅

李懷義懷貞景韜等並放宜令向訓并諸房骨肉奴
僕津置起離量差兵士防援並於汝州安置

磨勘州縣前資官勅

朕祇荷上玄恭臨大寶慮一夫之不獲期四海之所
歸近知銓選人多州縣闕少或經年而空淹桂玉未
授一官或欲歸而暗想鄉閭又遙千里以斯去任虛
歷歲時其間或妄乞官者多是踰違自稱淹滯或未

合格者不遵條制顯紊公方宜行釐革之條以絕僥
求之路宜令自今月十一日已前州縣前資官及諸
色選人等曾經中書陳狀者並送吏部南曹磨勘如
今年冬合格無殿犯違礙者即送中書除官未合格
并諸色違礙格勅及曾殿黜得洗雪者並仰各守格
勅敘理赴集其漢朝州縣爲徵科不了及擅用破逃
戶停官人數並令赴吏部南曹投狀磨勘實是無過
停替者本朝解由公憑及牒三司灼然過准格成一
考前停官者可送名中書除官一考後兩考前停官
者減一選兩考已上者上理本官選數並取解赴集

起今後應有前資州縣官并諸色選人等及曾經黜
該恩得雪者並仰各守勅格赴選不得妄有乞官如
敢故違宜殿兩選將來降一資注擬如或本司不依
格勅妄有滯留罪在所司當行憲典一則俾守規程
之道一則稍除躁競之門免恣濫踰貴遵條制如是
特恩不拘此例冊府六百三十四

四廟行事官除官勅

追尊四廟諸司寺監合差行事官宜令差補漢末七
州停替州縣官充候行事了各與除官如行事官人
數未足以前資州縣官已合格并過選者充仍歷勘

官牒委無違礙方得差補同上

追毀出身勅

今年正月五日恩赦前應諸色官員有過犯合追毀
出身歷任官牒至今尙未追毀其本官敘理仍各依
格勅處分同上

西京冊廟行事人減選勅

應京都司職掌赴西京冊廟行事八十有六人宜令
吏部南曹引驗出身歷任行事無遺闕歷子委無違
礙與各減一選如有今年冬初合格又已過選者銓
司注官日與加一階其不該選數已經補奏者減一

年勞
同上

條件諸色出選門州縣勅

近日多有諸色出選門州縣官累經中書陳狀援引
從前勅文乞除官事中書先准乾祐二年二月十日
勅文以此難議施行今將已前勅文詳酌可否特與
條貫庶無淹滯應前後出選門州縣官內有十六考
敘朝散大夫階次赤令并歷任中曾昇朝及兩使判
官五府少尹罷任後一周年除官曾任兩蕃營田判
官書記支使防禦團練判官罷任後二周年與除官
並許經中書陳狀點檢不欠年限當與施行選期既

近不得依常選人例更理減選仍須分明批書厯子
請給解由若是迷失戶口降書考第及顯有過犯必
行殿降應諸色選人過犯三選已上及未成資考丁
憂課績官無選可減者宜令自於吏部南曹投狀准
格勅磨勘無違礙申送中書門下並與除官其州縣
官自恐虧損年限資序歸選門者亦聽自便如或曾
任推巡軍事判官等並諸色出選門官並據見任官
選數敘理取解赴集依格勅磨勘送名中書門下於
銓司注擬前次除官所有諸色常選人皆自有選
限合赴常調今後不得妄有陳乞及不依格勅論理

功課如違當行舉勘若是特恩除授及擢才委任不
拘此例同上

磨勘郊禮行事官勅

郊禮行事官並差在京求仕者充各據出身歷任子
細磨勘委無違礙方得差補如曾有殿犯除名免官
勒停等人未經恩洗雪者不在收補之限若已取解
及免取解赴選在外未來者不得着人承替如收補
行事後將來赴選南曹磨勘別有違礙所補官司與
本人並當勘斷同上

令李仲玉祀唐陵廟勅

唐明宗五廟在至德宮安置其徽陵上下宮所管土
田舍宇宜令新除右監門衛將軍李仲玉爲主其徽
陵下宮及至德宮緣廟合留物外宜令內養劉延韜
於金銀器物數內量事給李仲玉遷葬故淑妃王氏
及許王外餘並付李仲玉并尼惠能惠登惠嚴令仲
玉以時祀陵廟切在豐潔冊府一百七十四

處分供申考簿違限勅

勅起今後諸州府更有供申考簿違格限申到者本
判官并錄事參軍各罰五十直其錄事參軍仍殿一
選本勾押官典委本州各行科斷如違程限一月已

上不申到者仍令尙書考功催促候供申到考帳依
例施行所有科罰准前處分若是校考過卽時與次
年依格奏校五代會要十五

又勅

鳳翔考帳違限本府各以科懲其考帳省司特與考
校起今後諸州府更有違限者本判官錄事參軍各
罰五十直錄事參軍殿中典押本處科斷具仍令省
司依時催促若校考過時卽與次年校奏並依前後
格勅指揮冊府六百三十六

又勅

州縣官或特勅除授或非時有故停任員闕除官到
任者緣赴任不拘期限申發考帳之時但滿一周年
便與依例書校一考申省如書校時少欠月日卽與
次年付帳申校不得漏落考第姓名如或有違罪本
道書考官吏同上

命開封府處死妖妄人勅

勅趙應智欽陳光齊三人處死連坐郭延貴等十七
人並決配蔡河務收管冊府

勝諭宋州勅

勅勝宋州曉諭管內諸縣民等省前節度使常思所

進絲四萬一千四百七兩言放出在民例以五月內
徵納其絲並還元契除已納到者委巡檢使柴進據
數追戶責領歸還勝到速告報知悉

冊府一
百六十

檢勘受官不赴謝人勅

起今後更有受官不赴衙謝人宜令門下省御史臺
檢舉追勘聞奏其授官後違程不赴任並准元勅殿
選如選未滿便來乞官者除外別行降勅

五代會
要六

諸道奏薦僧尼道士人數勅

永壽節每年諸道節度防禦團練使刺史奏薦僧尼
道士紫衣師號今後見任帶使相共奏二人見任防

禦團練刺史只許奏一人在朝文武臣寮及前任官

今後更不得奏薦

五代會
要十一

減損永壽節臣寮設齋供勅

內外文武臣寮遇永壽節辰皆於寺觀起置道場便
為齋供訪聞皆是釀金所宜減損以足公私今後中
書門下與文武百官等共設一齋樞密使與內諸司
使副等共設一齋侍衛親軍馬步軍督指揮使已下
共設一齋其餘前任官員及諸司職掌並不得更開
置道場及設齋

五代會
要五

朗州升大都督府勅

頃者淮海陸梁舉干戈而入寇湖湘覆沒致黎庶之
倒懸惟彼武陵素稱雄鎮連營比屋皆懷勇烈之心
戮力協謀盡復江山之境宜降褒崇之命以升忠義
之邦俾列大藩永率南夏其朗州宜升為大都督府
在潭桂之上五代會要十九

遣曹匪躬點檢佃租勅

京兆府耀州庄宅三白渠使所管庄宅並屬州縣其
本務職員節級一切停廢除見管水磴及州縣鎮郭
下庄宅外應有係官桑土屋宇園林車牛動用並賜
見佃人充永業如已有庄田自來被本務或形勢影

占令出課利者並勒見佃人為主依例納租條理未
盡處委三司區分仍遣刑部員外郎曹匪躬專往點
檢割屬州縣冊府四百九十五

遣趙元休相度租賦勅

廢衛州共城縣稻田務並歸州縣任人佃蒔宜令戶
部郎中趙元休往彼相度利害及所定租賦聞奏上同

升朝官賜緋勅節文

今後升朝官四品以上著綠十五周年者與賜緋凡
州縣官歷任內曾經五度參選者雖未及十六考與
授朝散大夫階年七十已上合授優散官者並賜緋

非時特恩不拘此例

五代會要六

寺監官滿七年同明經出身勅

其諸寺監官任滿七周年已上應奉公事無遺闕文
書灼然者並與同明經出身如不滿七周年者任逐
穩便今後寺監不得以白身署攝如違本司官吏並
行朝典

五代會要十七

賜鄭仁誨手勅

按見舊五代史周書德如董氏傳與全文一
百二梁祖勅同今存其目文不錄

周世宗

事蹟詳全唐文一百二十五

公私織造須合制度制

化民成俗須務真純蠹物害能莫先浮僞織維杼軸
之製素有規程裨販貿易之徒不許違越久無條理
漸致澆訛苟所鬻之或精則酬直之必重宜從樸厚
用革輕浮應天下今後公私織造到絹帛綢布綾羅
錦綺及諸色疋段其幅尺斤兩並須合向來制度不
得輕弱假僞罔冒取價如有已上物色等限一百日
內並須破貨了絕如限外敢有違犯織造貨賣者仰
所在級節所由擒捉送官

冊府五
百四

不得奏薦判官詔

兩京諸道州府留守判官兩使判官少尹防禦團練軍事判官今後並不得奏薦如隨郡已歷前件官職任者不在此限其防禦團練刺史州各置推官一員五代會要二十五

停罷官麴許人戶自造詔

諸道州府麴務今後一依往例官中禁法賣麴逐處先置都務候勅到日並仰停罷據見在麴數依時踏造候人戶將價錢據數給麴不得賒賣抑配與人應鄉村人戶今後並許自造米醋及買糟造醋供食仍

許於本州縣界就精美處酤賣其酒麴條法依舊施

行冊府五百四

收壽州戰骨并優給陣歿將士家物詔

自攻討壽州已來應有將士歿於王事者宜差殿直劉漢卿於壽州四面收斂其屍以官物祭奠本家仍與優給有男者量與敘用冊府一百三十五

選大戶為耆長詔

諸道州府令團併鄉村大率以百戶為一團選三大戶為耆長凡民家之姦盜者三大戶察之民田之有耗登者三大戶均之仍每及三載即一如是五代會要二十

五

命在朝文官再舉幕職詔

在朝文資官各令再舉堪為幕職令錄者一人所舉幕職州縣官罷任後便與除官仍並許赴闕五代會要四

織造絹布不得夾帶粉藥勅

舊制織絕絹布綾羅錦綺紗縠等幅闊二尺起來年後公私織造並須及二尺五分不得夾帶粉藥宜令諸道州府嚴切指揮來年所納官絹每疋須及一十二兩河北諸州並萊登沂密州須及一十二兩絕細正要夾密停勻不定斤兩絕細絹長依舊四十二尺

五代會要
二十五

供給無家罪人水米勅

應諸道見禁罪人無家人供備喫食者每人逐日破官米二升不得信任獄子節級減稍罪人口食仍令不住供給水漿掃洒獄內每五日一度洗刷枷杻如有病疾者畫時差人看承醫療同上

杖醫不過十五勅

州縣自官已下因公事行責情杖量情狀輕重用不得過醫十五杖因責情杖致死者具事由聞奏同上
行盜三犯決殺勅

諸盜經斷後仍便行盜前後三犯並曾經官司推問
伏罪不問赦前後贓多少並取決殺同上

逃戶莊田許人請射勅

應自前及今後有逃戶莊田許人請射承佃供納租
稅如三周年後本戶來歸業者其桑土不以荒熟并
莊田交還一分應已上承佃戶如是自出力別蓋造
到屋舍及栽種到樹木園圃並不在交還之限如五
周年外歸業者莊田除本戶墳塋外不在交付如有
荒廢桑土承佃戶自來無力佃蒔祇仰交割與歸業
人戶佃蒔一近北諸州自契丹離亂鄉村人戶多被

番軍打虜向北近來多有百姓自番界回來其莊田
已被別戶請射無處歸託今後如有五周年內其本
主還來識認不以桑土荒熟并莊園三分中交還二
分十周年內來者交還一半十五周年內來者三分中
交還一分上項承佃戶如自出力別蓋造到屋舍及
栽種到樹木園圃並不在給還之限如十五周年外
歸業者其莊田除本戶墳塋外不在給還如有荒廢
桑土承佃戶自來無力佃蒔祇仰交割與歸業人戶
佃蒔一應有坐家破逃人戶其戶下物業並許別戶
陳告請射承佃供納租稅充爲永業不限年載不在

論認之限所有本戶及鄉村節級重行斷決一諸州
應有冒佃逃戶物業不納租稅者其本戶歸業之時
不計年限並許論認仰本縣立差人檢勘交割與本
戶爲主如本戶不來歸業亦許別戶請射爲主所有
冒佃人戶及本縣節級重行科斷如冒佃人戶自來
陳首承認租稅者特與免罪一顯德二年正月二十
五日已前應有逃戶拋下莊田自來全段無人承佃
曾經省司指揮開闢租稅者宜令本州縣招攜人戶
歸業及許別戶請射爲主與免一年差科色役至第
二年已後據見在桑土及租到見苗詣實供通輸納

租稅

五代會要
二十五

解送監生須是監中受業勅

國子監所解送廣順三年已前監生人數宜令禮部
貢院收納文解其今年內新收補監生並仰落下今
後須是監中受業方得准令式收補解送近年有諸
州府不得解舉人卽投監請補

五代會
要十六

未朝謝御史不得受供給勅

起今後應有自外新除御史未經朝謝者經過州府
不得受館驛供給及所在公禮

五代會
要十七

秋夏徵了追攝公事勅

諸道州府所管屬縣每年秋夏徵科了畢後多是卻去縣典上州會口文鈔因茲科配斂掠宜令今後秋夏徵科了足日仰本州府但取倉場庫務納欠文鈔如無異同不在更追官典諸道州府管內縣鎮每有追攝公事自前多差衙前使院職員及散從步奏官今後如是常程追攝公事祇令府道承受遞送不得更差專人若要切公事及軍期不在此限五代會要二十五

興販牛畜抽稅勅

諸道州府應有商賈興販牛畜不計黃水牛凡經過處不得抽稅如是貨賣處祇仰據賣價每一千抽稅

錢二十不得別有邀難同上

毀廢妖妄占卜書勅

應諸色陰陽占卜書宜令司天臺翰林院集官詳定其書如是曾經前代聖賢行用合正道者只可存留其有淺近妖妄不依典據者並可毀廢五代會要十一

省廢兩京五府諸州曹官勅

兩京五府少尹司錄參軍先各置兩員今後各置一員六曹判司內只置戶曹法曹各一員其餘曹官及諸州觀察使兩藩判官並宜省廢五代會要二十

命再舉令錄勅

應在朝文資官各令再舉一人堪充令錄及兩使防禦團練軍事判官者自前或因公過微有殿犯者亦許稱舉餘准顯德二年正月二十一日御札處分五代會要

諸道俸料不得分配人戶勅

應諸道州府進奉逐月合請俸料及紙筆等錢宜令今後于本州公使錢內支給不得分配人戶及州縣門戶如本州公使錢少不便支給處祇不要置進奏官仰於衙前差有名糧職員充進奏聞院副知仍二周年替罷本州優與安排五代會要二十四

差人收拏盜賊逃軍亡命人勅

應諸司賊盜宜委本府州節度防禦團練等使刺史專切斷除其部內凡有賊盜及逃走軍健諸色亡命之人並須覺察設計差人收拏不計遠近以獲爲限應有婚姻鬪競賊盜公事仰逐日長吏躬親鞫問仍令本判官不住提舉疾速區分庶俟勅命凡自大辟罪斷訖其公案申奏今後仰抄錄要當事節兼於前面朱書罪人入禁至斷了日數聞奏五代會要十

任鄉村煎鹽勅

漳河已北州府管界元是官場糶鹽今後除城郭草

市內仍舊禁法其鄉村並不有鹽貨通商逐處有鹹
鹵之地一任人戶煎煉與販但不得踰越漳河入不
通商界五代會要

南唐先主李昇

事蹟詳全唐文一百二十八

宋王妃改氏南平制

南平王國之元老婚不可離信王妃可改氏南平馬

南唐書

却符瑞詔

謹告在天聰明自民魯以麟削莽以符亡當謹天戒

猶懼或失之符瑞何為哉皆抑而勿揚

勿議討伐詔

知足不辱道祖之至誠革廓則裂前哲之元龜子嘉

與一二卿士大夫共服斯箴討伐之議願勿復關白

也鈞磯立談

犇太子詔

守廉退之風師忠貞之節有子如此朕復何憂陸游南唐

書

賜宋齊邱書

朕之性子嵩所知少相親老相怨可乎同上

上晉高祖書

邊校貪功乘便據壘矧機宜之孰在顧茫昧以難申
否藏皆凶乃大易之明義進取不正亦聖人之厚顏
適屬暑雨稍煩江波甚漲指揮未到事實已違今者
猥沐眷慈曲形宸旨歸其俘虜示以英仁其如軍法
朝章彼此不可揚名建德曲直相懸雖認好生匪敢
聞命杜光鄴等五百七人已令却過淮影宋抄冊
府二百三

南唐嗣主李璟

事蹟詳全唐文一百二十八

賜陳況手札

欲以綾綺賜卿卿必不受今賜朕自服紬縑衣三十
事卿其領之南唐書

賜周繼諸金鋤手札

是朕苑中自種藥者今以賜卿表卿高尚之節江南
餘載

答喻儼等手札

昊天不弔降此鞠凶越予小心常恐弗類于厥德用
災于厥躬故退處恭默思底于道而壅隔之蔽以爲
卿憂惟予小子實生厲階馬令
書

讓太子表

卷十一

六

古之立太子者所以崇正嫡息覬覦如臣兄弟稟承
聖教實爲敦睦願寢此禮同上

賜宋齊邱書

明日之行昔時相許朕實知公故不奪公志湘山野錄

南唐後主李煜

事蹟詳全唐文一百二十八

遺吳越王書

今日無我明日豈有君一旦明天子易地賞功王亦

大梁一布衣耳南唐書

答張泌諫書手批

古人讀書不止爲詞賦口舌也委質事人忠言無隱
斯可謂不辱士子矣朕纂承之始德政未敷哀毀之
中知慮荒亂深虞布政設教不足仰付民望卿居下
位首進讜謀十事煥美可舉而行朕必善初而思終
卿無今直而後佞其中事件亦有已于赦書處分者
二十八日江表志
批韓熙載奏
言僞而辨古人惡之熙載俸有常秩錫賚尙優而謂
厨無盈日無乃過矣

書述

壯歲書亦壯猶嫖姚十八從軍初擁千騎憑陵沙漠而目無全虜又如夏雲奇峰畏日烈景縱橫炎炎不可向邇其任勢也如此老來書亦老如諸葛亮董戎朱獻接敵舉輟輿自隨以白羽麾軍不見其風骨而毫素相適筆無全鋒噫壯老不同功用則異惟所能者可與言之又云書有八字法謂之撥鐙自衛夫人并鍾王傳授于歐顏褚陸等流于此日然世人罕知其道者孤以幸會得受誨于先王奇哉是書也非天賦其性口受要訣然後研功覃思則不窮其奧妙安得不祕而寶之所謂法者擗壓鈎揭抵拒導送也此

字亦有顏公真卿墨跡尚存于世余恐將來學者無所聞焉故聊記之擗者擗大指骨上節下端用力欲直如提千鈞厭者捺食指著中節旁鈎者鈎中指著指尖鈎筆令向下揭者揭名指著指爪肉之間揭筆令向上抵者名指揭筆中指抵住拒者中指鈎筆名指拒定導者小指引名指過右送者小指送名指過

左陳思書苑精華

南漢後主劉鋹

事蹟詳全唐文一百二十九

鏡銘

仙山並照智水齊名花朝豔采月夜流明龍盤五端
鸞舞雙明傳間仁壽始驗銷兵

嵩洛訪碑日記

吳越武肅王錢鏐

事蹟詳全唐文一百三十

海會寺陀羅尼經幢記

當使早以訓齊兵旅講武家山為國為民摧兇弭寇
繼平蛇豕以靜江南累蒙七帝酌恩功歸第一以至
雙封兩國連統三壇為明代之父師帥天下之兵柄
唯以上尊天地次敬神明興三教之慈宗建六通之
法宇乙亥歲誓歸故里遍集勝因以功臣山之奇峰

爰崇禪室觀竹林寺之湫隘重構蓮宮半載之中莊
嚴俱畢皆選淨名長老各為住持冀廣善牙常資妙
覺昨以寺院功畢金像周圍特于殿前建立千手千
眼大悲真言經及守護國界主陀羅尼經兩幢充揚
勝事所冀珠緘寶偈觀者生緣步影飛塵霑者獲善
而以福均土地光蔭鄉園克茲先遠松楸共泰錦城
軍俗以增幽顯利等恆沙時寶大元年歲次甲申五
月一日天下都元帥吳越國王鏐建

兩浙金石志

開慈雲嶺記

梁單闕之歲興建龍山至浚灘之年開慈雲嶺使建

西關城宇臺殿水閣今勒貞珉用紀年月甲申歲六月十五日吳越國王記

石刻

請封鎮東軍神祠奏

鎮東軍神祠頗有靈驗救災祈福人民賴之請賜封

崇府

祭潮神禱詞

六丁神君玉女陰神從官兵六千萬人鏖以此丹羽之矢射蛟滅怪渴海枯淵干精百鬼勿使妄干唯願神君佐我助我令我功行早就

吳越備史

報道宏手札二首

十一月三日報道宏法師冬冷想當安適得狀勞以節送軟棗茶麵等已令收領為愧殊多迴人遣此不具使人委曲付道宏法師

秋冷想當安適得進奏院狀報蒙恩加太師兼九錫叨功臣名號勞致賀狀迴人遣此不具使人委曲付

道宏法師

嘉興府志

吳越文穆王錢元瓘

事蹟詳全唐文一百三十

建化度禪院寶幢記

夫真如演化以廣大慈悲濟度沙界其有達微妙之

音宏勝善之緣盡孝思之心創清淨之業靡不迴慧
炬而照燭乘法力以津梁超彼龍天證菩提之因果
竊以自恭遵詔命虔稟遺言承制兩浙口馭藩闢事
有益於顯晦功有合於禎休皆許口鼎新用光積
慶昨以西興城壘之內曩歲曾別置狴牢雖宰斷至
明固無枉濫而縻繫稍滯或有淪亡念茲綿歷重泉
何由解脫於是變圓扉而崇梵宇開紺殿而立睟容
仍建寶幢鎮茲土地磨礱翠珍刊般若之文輝煥禪
扁集麗洪之福所有前後幽暗魂識一一咸冀往生
然願以此功德資薦皇考武肅王昇七覺之法身耀

千光之瑞相其次保安壇境兵火無虞以子以孫永
永蕃盛長興四年癸巳三月二十六日起復吳越四
面都統鎮海鎮東等軍節度使檢校太師守中書令

錢元瓘記

兩浙金石志

吳越忠懿王錢俶

事蹟詳全唐文一百三十

報重曜書二首

報雲門山淨名庵長老重曜今差人賫到白乳茶三
十斤稜瓷香爐一隻衙香五斤金花合盛重五十兩
仍支見錢一百千文足陌可親入懺保安遣此示諭

不具

報越國雲門山淨名庵長老重曜昨據節度使錢儀
申所請爲官中入懺保安事具悉師心鏡絕塵衣珠
無類脩釋氏務三之訓得淨名不二之宗泊挂錫寶
坊棲真玉節節使素欽於景行遠有來聞國家因罄
于精誠遂可其請況奇峰正聳炎景斯煩非坐非行
頗勞精進煩心引領尤愧忠勤今則再賜到乳茶三
十斤乳香三十斤至可領也夏熱想得平安好故茲
諭想宜知之不具

紹興府志

閩忠懿王王審知

審知字信通光州固始人兄潮爲縣史壽州盜王緒
聞潮兄弟材勇召爲軍校後殺緒推潮爲主潮卒審
知代立唐拜審知武威節度同平章封琅琊王梁太
祖加拜中書令封閩王同光二年卒年六十四謚忠
懿子鱗僭帝追謚昭武孝皇帝廟號太祖

請封砧碕里古廟奏

當縣界砧碕里古廟祈禱有靈鄉閭父老皆有陳請
望賜封崇

府冊

卷十二
斯異廢興之業亦殊要者連肩雖復堅住之上人解
慧之開士廣演八藏九部之說劇談二空三性之文
曷嘗辯於真偽之宗詎能曉於是非之旨說說法侶
猶苦迷方濟濟覺徒安知最勝遂使魚目研綜珠篋
之奇區別金書之祕標象運之時用揚末法之幽鍵
獨步一人功侔十力惟我大善知識信行禪師矣至
乎氏胄之華熏習之業既昭著於前碣於此可略而
言焉仰惟禪師識洞初幾照逾機之科對藥病之理
定邪正於波濤決疑似於雷同妙達幾先利生同極
業契初依之躅仁逾後際之用酌金河之茂典解沙

界之深纏起十受於心靈遵三捨於身命惑障攸滅
控洌淨之遙源慧炬弗賞既免簡擇之尤善人不濫
良無枉罰之酷長蠲七損永謐三災開示之益允宏
對遣之慈彌廣用因收果卽從因以表真以果攝因
乃緣果而除妄口高慢之見樹增上之地自空靜名
相之驚颯昇河岸於振峭山彼逝魂收名鬼錄起茲
朽骸受氣人靈諒釋門之指南允緇服之其北者矣
雖復孤擅決了之士無窮智慧之賢猶昧開導之規
尙乖勸誘之義遂使鍛冶之子未習數息之因澣濯
豈不然歟欽惟曩俊親承聖範猶致疎謬靡叶深機

矧乎今士纔傳遺說有迷幽趣實喪菁華蠢蠢四生
常淪苦海茫茫萬彙恆溺愛河殊塗同歸有足悲矣
斯乃前哲失之於既往惟我禪師得之於韻於旋宮
固守刻肱弃神鋒於水府亦猶析薪求火豈覩炎光
之盛畫瓶緘毒莫飲甘露之津蚊喙之識罕周牛便
之劣滋甚握斯墜葉不悟大力恃此藕絲矜乎小智
者矣若乃三階演灋五位騰惡而成性徇迷惑而爲
習信惡之誠且篤忘善之志亦深紊善惡而罔分雜
正邪而靡悟於是甄明種性之貫式彰顛倒之違雖
則稟命愚癡克邁辟支之軫挺質莫智俄□□御之

乘若夫七處聚義能力未藉於假人等大地之廣持
類元天之遐覆導師諧願代苦之德靡涯正法甚深
善誘之仁多裕四諦無作更明自力之知六住表規
益垂得度之紀信惡迷善之子唯章口善之方信善
忘惡術由祛惑而獲範克紹聲聞之乘能撥亂而致
資因生巨厥躬之樂廣敷無漏之惊肇近諸身之事
遠該成彼之業觀色觀象四部之教不同學上學下
三寶之幾斯異佛法代法之攸聞自驗自知之照理
諒如矇瞽之昧卽從忍受之安修上法而攝挹習善
之業彌優仰信之益日滋隨悅之方月進深符八式

蹈三義之宗好惡俱聞憂喜不溺於心術信直咸綜
成就克卻於情田受剝剝而猶甘希韞涅槃之趣惠
首目而凶恡冀證菩提之緣懼誠岐之難銷禡翼衣
而歸俗襲重想之存慎珍而契冷之節既調陽缺一
十餘及毀正之侶繼踵寘於無聞訾聖之徒接衽赴
於冥晦祈法雨而滌囂入淨土而投誠求智之美以
隆歎法之深以舉樂嬉遊於火宅未懼一門之隘恣
沈泳於苦海匪憚五欲之災因馭牛以宣慈說窮子
而啟諭守節迦葉辭請食於檀主護名釋允拒匹儷
於國王且夫穢觀已成嫌惡未受不引其賊如擠其

抗惟好所用自歸惟善所願躬納猶虛天而比廣若
厚地而絜大煩惱之藏莫窺空智之幾難覩亦有戒
壞而見存或有見全而戒毀能發誠而懺咎遂刻意
而悔愆二伐之報可求三乘之果何遠夢羅刹而能
警臨將歿而敦念故婆門誹謗思良津而免尤闡提
善根資後因而延福觀相之心既切繫念之志必深
緇五逆於幽狴解四禁於冥籍原乎蒼生處俗受格
異規黔黎居代殖操殊軌負才之子實多矜己之長
好譏之流則惟覩物之短既憎身之長少便覩人之
短多學上益以彌豐存下好而良鮮遵別之情無極

業溥之道未宏靡疚懷而利他乃留想而禪己習氣飄而匪定稟命雜而弗醇暨乎詮聖之理可徵驗果之由斯照則有偏居信善兼包信惡自他之善甯敢專收自他之惡安能孤亮正可以舉善而攝善知惡而統惡焉假使少能迴己以同人廢人以從己亦未能頓祛三業長驅入正然可惡善之內則利俱學之優既遠之中因爾總施其能都泯其蹤物我咸緝之務乃宏是以冰室由之遂寒石峰以之增峻三春戒序青要之律克調九秋御節白藏之氣攸美遇善詣性叶勝緣而自臧逢惡爲情蘊凶德而成否固可廣

存並學甄明別機麤迷二階之宗式標其趣矣次有利根邪見常緘顛倒之想敏質僻懷恆苞迷謬之態雖復久承戒珠之義夙奉禪鏡之明猶些毀於波若尙嚙沓於種智肆其輕誚則背誕於三寶縱其妄識則委體於六魔墜泥黎而未央陷阿鼻而無盡徒勤誤學虛事錯遵七十五由斷見之非仍起九十一劫暗餒之苦未瘳易前探於本根當後歸於正遍又有因無始之界自有識之心罕聆法寶嘗淪俗化或恃長以縮短或見短以綜長或習上好之多或學下好之少惟別溥之偏駁混善惡之交馳植角之喻茲興

被鬣之譏斯發洎乎觀佛開教聞濃貽矩矱身之善
遂多視彼之惡攸眾但能廢人同己未克省躬就物
志希極上之業情昏最下之規

續語堂碑錄

案此碑蓋從剪本過錄原跋謂通篇文理有不能
句讀者疑當是衰池時為劣工剪棄

紀王慎

慎太宗子韋妃生始王申後徙紀武后時改氏虺謫
巴州

外嫺不為婚奏

堂姨母之姑姨及堂姑姨父母之姑姨父母之姑舅

姊妹婿姊妹堂外甥雖并外嫺無服請不為婚

唐會要八

三十

襄王重茂

重茂中宗子初封温王韋后弒中宗矯詔立為皇太
子即帝位改元唐隆睿宗即位廢為温王明年徙封
襄開元二年薨追冊為皇帝

太平公主依舊置府敕

公主置府近有敕總停惟太平公主有崇保社稷功
其鎮國太平公主府即宜依舊

唐會要卷六

行鄉飲酒禮敕

鄉飲酒禮之廢為日已久宜令諸州每年遵行鄉飲酒禮

唐會要二十六

雍王守禮

守禮章懷太子賢子高宗孫嗣封雍王唐隆元年追封邠王薨年七十贈太尉

贈太子廟隸太常奏

敕賜臣父廟號陟岡乞隸太常寺仍請安國相王書

額

冊府元龜

褒信王璆

璆許王素節子高宗孫初封澤王降郢國公官宗正

少卿進封褒信王天寶初為宗正卿

皇妹服制奏

皇妹及女准禮出嫁後各降本親一等今後並降為第二等臣以為執禮破親有虧常典宜請一切依服屬等第為定不在降服限仍望永為常式

唐會要六十五

嗣澤王潤

潤澤王上金之曾孫光祿卿漣之子官恩王府司馬大唐故奉義郎行京兆府涇陽縣主簿王府君

墓誌銘

并序

公諱邈字文秀琅耶臨沂人也曾祖同皎駙馬都尉

琅耶文烈公贈太子少保尙定安長公主祖繇駙馬
都尉琅耶懿公贈太子太傅尙永穆長公主父訓累
授光祿卿娶嗣紀王織誠之季女公聰明生知忠孝
天與出身從仕爲眾所知不以得失繼懷不以喜怒
形色謙以自牧寬以養閑足可永保盛名剋終天壽
公自弘文館明經號州弘農尉次任揚州江陽主簿
考秩尋滿蹉跎江鄉累佐諸使勤勞偕著名績時稱
以去年入調長安天官以書判取人授公京兆府涇
陽主簿今春季月遂赴所任宿疾不瘳漸嬰羸瘵干
禳万療神道何依以其年八月九日終于萬年縣輿

壺里永穆觀之北院享年五十七嗚呼淮水不絕君
家自昌豈啻藥餌不靈與物爭謝故知修短有定古
亦無替夫人則祕書監贈揚州大都督嗣澤王漙長
女潤之姊也居家守禮出事恭儀淑順不虧天生自
得公任弘農日染疾不起權殯於縣界長子貞素泣
血號天柴毀過禮終身之痛唯茲是憂遂策杖於弘
農扶護棺櫬將及合祔公有子二人次曰貞鎰女一
人猶未及笄出我家也後娶楊氏有子三人女二人
楊氏與貞鎰尙家維楊嗟之道路遐遠報不及期以
其年閏十月七日卜擇於萬年縣澧川鄉先塋之側

也貞素以東海尚變陵谷恐平啟潤紀之庶乎不朽
潤以天倫之痛內兄之哀託石敘情備於歲月慙無
刀翰有愧於文握管慟傷銜悲述作銘曰
天不藏寶必降賢良公貞有度雅淑無量將永保於
閨祿何忽變為代傷嗚呼郊原寂寂松柏蒼蒼嗟白
日之晝短痛泉臺之夜長石刻

崔善為

善為武德中尚書左丞唐書有傳

糾劾丁憂起復奏

欲求忠臣必于孝子比為時多金革頗遵墨線之義

丁憂之士例從起復無識之輩不復戚容如不糾劾

恐傷風俗唐會要三十八

薛收

全唐文一百三十三有傳

驃騎將軍王懷文碑銘 并序

蓋聞惟生為貴輕之者類於鴻毛非義不居取之者
同於熊掌當仁處命不其難乎故倣不羈之才英
奇傑立之士遑遑重志業落落建功名心貫金石之
中氣逸煙霞之上雖則山淪海覆霧卷塵飛償節捐
軀蹈之由已斯為美矣豈徒然哉若乃寥廓千齡柳

楊萬代獨顯非常之効以終國主之恩高烈振於遐
年義聲聞於當代則驃騎王君見之矣君諱懷文字
思忠太原祁人其先姬氏周室之胤水府山宗之秀
載挺瓊奇瓊林桂苑之華夙承休祉騰芳上葉流慶
後昆故能異人鬱起雄圖閒出祖魏常山郡主簿博
野丞寓量沈深養名蓄德父膺齊儀同臨朔鎮將風
格凝峻居仁蹈禮並藏器於身蘊材傲俗君騰精玉
守稟性金方少負不資之質長嬰跣弛之累跼步通
衢戢翼中野矯迹嘉遁佇運觀時暨炎歷將終皇猷
爽德生靈版蕩剪爲寇亂九縣區分四郊多壘君攘

袂激憤抽戈抗節旣濯鱗羽思遇風雲是時四柱方
傾共工之難尙梗五星不聚漢祖之業未隆空懷耿
介之心猶阻奔踈之路劉武周滔天猾夏荐食晉陽
宋金剛剽邑屠城挺惡汾浦乃以君爲僞上柱國行
軍總管非其好也君久悟焚巢恆思擇木終觀投石
未安累卵行危苟免言遜俟機太尉秦王建旆東轅
元戎北指出九天之外引百勝之師星驅雷駭剋平
大憝旣乃烏合爲羣俱同鍛翮獸聚之內咸遇剪毛
而一面開羅三驅致禮捨鉤焚觀特降優隆光被寵
榮式加殊命乃受驃騎將軍則大唐武德三年也王

充負豐青丘流氛紫極屬南巢放桀之始西伯事殷
之初窺覩非冀妄干大寶聖上愍茲黎首情軫納隍
救彼淪骨思同濡足吾王奉遵廟算受賑徂征蘊金
匱玉鈐之謨運沙城石陣之略鑿門盡闔指定舊都
君乃陪預戎麾俱參列將自屯師洛汭結壘邨山醜
類逋誅屢犯旌旆君鷹鷂揚視展効獻功未極千里
之塗翻垂六鳥之翅鍾儀去楚不捨南冠華元入鄭
未通文馬王充置之左右情加推信仍授僞官兼優
封爵君乃詭同背誕密運忠規潛圖去暴庶恢茂績
方欲梟除元惡贊我大猷越以四年二月王充悉其

步騎出至城西吾王憑軾觀兵與其相遇旗鼓雖布
鋒鏑未交君乃獨斷神謀先騰壯烈抽戈電擊挺劔
風趨決機兩陣之間申威萬人之上一發則貫其左
股再申而析其右肱凶魁僵仆應時顛趾奔鯨赴穴
桀犬如林以無因之迹駭不存之地莫不眩目驚視
廢手頓足雄夫爲之亡胄猛士於焉累氣流光奪景
浮雲變色睠血數步之中躍刃重圍之下以寡制眾
援阻路窮交鉞莫禦結纓終斃於是聲嘉玉冕悼感
瓊枝四國嗟傷三軍悽愴司儀奉命致禮轎轅賄賂
所加特超恆典功書天府復降王人詔贈公官謚曰

卷十二
二
公禮也君質茂松筠心標鐵石慷慨有丈夫之操
磊落懷烈士之風運偶物艱時鍾德喪閼節高度不
以細行自拘爽氣通才方持雄略爲重屬兵車九合
齊楚之地未寧天下三分商周之道初革君乃屈迹
抑憤與俗沈浮違亂去惡歸身大造旣荷生育之賜
方酬山岳之恩契闊無虧造次斯在發忠顯効殉主
捐軀登太行以未危怙焦原而不懼故能抗逋藪之
敵怨致天誅於巨猾雖則荆卿奏曲空進燕圖豫讓
吞聲唯驚趙駟翳桑之倒戟懷惠輔氏之結草酬恩
比事論功固不同年而語矣吾王重義敦本情深嘉

尚永言遺節有邁前脩以爲紀績銓名彝章之盛範
鏤鐘鐫鼎邦家之宏訓乃命勒茲元石式建豐碑樹
美無窮垂芳不朽方見雲飛幽隴飄飄與生氣俱浮
吹動孤松肅肅與餘風共遠其詞曰

於穆顯宗肇分姬姓休緒曷奕靈源鼎盛鸛舞周儲
鳧飛葉令流福盼響傳芳遼夏木禿喬林波騰巨壑
英奇奕載傑人間作是日趨材茲稱勇略稟質俶儻
遊心寥廓珠囊掩曜玉弩騰暉霧擁元闕虹貫紫微
一人喪道兆庶無依逝莫以騁翔而未飛皇運膺期
帝圖惟始野有龍戰人同蝟起望阻昌期迹淪千紀

處異信國居非仁里奸魁放命肆逆汾陽椎轂台鉉
授律文昌威宣取亂績著侮亡氛禳旣滅遺黎以康
雷作旣解風行斯渙承茲渥澤去彼危亂躍鱗清波
厲羽霄漢乃優寵秩方隆榮觀龜萌縱慝狼戾爲羣
嵩邛地阻伊洛川分五策命將六郡興軍言從戎政
冀展鴻勳桓桓征夫蠢蠢窮寇舉斧未殄吞舟猶漏
墮伏無虞前茅爽候翻逢絙木乃同夾脰違邦靡貳
苦節思負志除封豕庶剪長鯨神機奮發奇略允成
惟義是蹈茲軀以輕烈氣外揚雄規內奧拔棘超距
橫矛再事渠魁旣接孽黨咸暨劒及王僚縱加吳濞

人稱韓相地曰樓蘭捐生怨府建効鋒端論功彼易
語迹今難致命所欲垂名不刊森森壯節凜凜風度
易水方寒邛山永暮月照泉戶煙浮松路唯餘俠骨

傳芳竹素

文館
詞林

齊士員

士員恆州行唐人貞觀中官右監門中郎將延陵縣
開國子

太武皇帝穆皇后供養石像之碑

若夫妙覺誕因歷幾綿劫塵磨大地籌斬灌藜草木
與口壁同華日月與邱陵等觀皆有生滅之起無分

帝王之果太武皇帝早感樞星晚逢電影開基殺右
則天啟聖升霞而去閭闔橋山而葬衣冠穆皇后德
並乾坤明同日月不終十善早棄六宮同寢獻陵永
辭長樂高陵與靈岳等峻夜臺其渭水俱深陵廟近
松楊悲笳管息人禽思上國延陵縣開國子齊士員
宿殖善根家傳妙勝早悟正覺共敬育王義旗同盟
卽沾佐命心如白水節等秋霜悟大品而識大乘辯
大悲而歸大智聚沙爲塔累壁成臺妻捨生資夫施
爲馬求妙絕之工開祕密之藏初雕玉石開發金光
爲彌陀像一區二衛菩薩太武皇帝穆皇后二聖供

養萬劫崇善梵響長聞香煙不絕金山寶崛狐菟不
栖瀆潭深海蛙蠅不宿無二之性卽是法性心無生
滅卽是涅槃塵滿由旬衣拂大石塵消石盡福報斯
隆祇闍之山重逢湧出無量壽國宛在目前其銘曰
帝應紫震后歸真淨祚與天連業同主聖臣悟二空
爲修八正萬善脩緝十力雕瑩無去無來湛然常定
永安天闕長歸法性 右監門中郎將右勳衛郎將
檢校左右領府郎將長樂宮大監定州刺史上柱國
延陵縣開國子齊士員曾祖常口平南將軍豫州汝
南郡太守祖恩齊尙食典御父羨隨口州記室參軍

兄傲隨廬州司兵參軍妻呂氏延陵郡君世子小師
右翊衛息世武文德皇后挽郎息世文世才世貴孫
神感神法神雨世文已下並幼未登仕長女潘水府
果毅和宜妻女娘兒然士員早承華緒先人餘福開
皇之歲宿衛宮闈尋配兵曹以爲品子久滯武庫未
騁文房大業末年軋綱落紐幸逢開闢運屬周旋立
佐命之元勳成割地之鴻業義旗之始卽授正議大
夫左一軍領帷幄之中決勝千里陣場之上身敵萬
人爵賞旣隆領禁天闕每承機要三十餘年太武皇
帝壽極升霞卽奉勅於獻陵供奉死生不離仍於陵

後千步賜以瑩域旣盡君臣之禮冀申忠孝之誠建
功業於前存正念於後立頌報德勒石紀恩庶使萬
古千秋湛然不朽

非見齋
碑錄

獻陵造像碑

貞觀十三年歲次己亥正月乙巳朔一日右監門中
郎將延陵子齊士員恆州行唐人也王保府折衝都
尉趙伽頻陽府田阿女懷信府果毅都尉獨孤範天
齊府斛律瓌長豐府王仁感頻陽府關文瓚左右監
門校尉三原縣令檢校陵署令崔鑿王署丞裴珉內
省禦侮尉郭元宗陵寢二所宿衛人呂村任村王村

劉村朱村唐祿村房村袁呂村謝村宿老等但士員
奉詔賜以終身供奉陵寢許生死不離宮闕縱令灰
骨喪軀無能報國今分割宦祿之資爲太武皇帝太
穆皇后敬造石佛殿一所并造彌陀像二菩薩師子
香爐座四面爲宮內存亡寫金剛般若觀世音經各
一部及一切經目昔前漢數終口運長安絕跡三年
後隨歷季之期天下分崩累載軍兵莫斂而給黎庶
拚骸而食皆悲杼柚之空咸結傾匡之恨金符去其
王室玉帛出自私門四國是遑三川若沸太上皇膺
天順命伐罪弔民發義晉陽除凶京輔八荒懷服萬

國朝宗率土來蘇羣生再造荷斯極口建此神功託
聖德於渡橫流仰慈悲而登彼岸設使高山銷隙大
谷陵移冀等日月而長懸同天地之永固此報聖上
之恩冀存萬代但恐無識之徒輒有輕毀後若有人
敲打佛像破滅經字者願當當來世恆墮三塗地獄
世世不復人身常值災窮之報

同上

可世不貴人具常前與之勝
洞林無對好無惡字皆願富富來世西聖三金銀
之思莫齊萬升出惡無煩之封庫百轉與對音齊人
合刻好莫等日日而身想同天賦之永固池祥聖十
聖顯何新前流四慈悲而登好氣類與高山輪果大
國師宗率士來精慕坐再道前被對曰悲此何肉這

